

Ebandeli 1

Ebandeli 2

Ebandeli 3



MOKANDA *ya* **EBANDELI 1**

Buku ya Mosisa ya Kondima na Biso

Mikapo 1-3
(Ba Leso 15 po na bana pe bilenge) Edition 2025

Mokomi na kituba: Maman Lorella Rouster, MCE
Mobaloli na lingala: Alexis Lukamba, MCE



Project
Mwindā

Matondo na www.freebibleimages.org/SweetPublishing po na foto

www.ecodimafrique.com

MAKAMBO EZALI NAKATI YA MOKANDA OYO:

Notes po na moniteur (Lolenge nini kosalela mokanda oyo)	3
Leso 1. Nzambe akelaki biloko nionso. Ebandeli 1:1-8.....	5
Leso 2. Nzambe ayebisaki mokili emonana, pe akelaki matiti, moyi, sanza na minzoto. Ebandeli 1:9-19.....	9
Leso 3. Nzambe akelaki bambisi ya mayi, bandeke, ti baniama. Ebandeli 1 :20-25.....	14
Leso 4. Nzambe akelaki baboti na biso ya liboso. Ebandeli 1:26-31.....	18
Leso 5. Nzambe apambolaki mokolo apemaka. Ebandeli 2:1-3.....	23
Leso 6. Nzambe akelaki Adamu (detail). Ebandeli 2:4-7.....	26
Leso 7. Nzambe atiaki Adamu na elanga pe apesaki ye mosala. Ebandeli 2 :8-15.....	31
Leso 8. Nzambe amekaki baboti na biso. Ebandeli 2:16-24.....	36
Leso 9. Nzambe akelaki mwasi (detail) pe apesaki biso libala. Ebandeli 2:18-25.....	41
Leso 10. Satana akosaki mwasi. Ebandeli 3:1-5.....	47
Leso 11. Baboti na biso ya liboso batosaki Nzambe te, yango wana, bazwaki etumbu po na masumu na bango. Ebandeli 3:6-11.....	53
Leso 12. Baboti na biso ya liboso ba ndimaki masumu na bango te, pe Nzambe apesaki bango. Ebandeli 3:12-19.....	59
Leso 13. Nzambe alakaki kotinda Mobikisi. Ebandeli 3:15.....	63
Leso 14. Masumu ebebisaki mokili mobimba. Ebandeli 3:16-20.....	68
Leso 15. Nzambe alakisaki bato ndenge nini kozongela boyokani na Ye. Ebandeli 3:21-24.....	73
Banzembo ya Ecodim	78
Molongo ya Ntango.....	80

[Matondi na Freebibleimages.org po na baphoto : /SweetPublishing /Didier Martin / Lambsongs /pe Yo ! Ministry.
Tosaleli pe baphoto licensés de Dreamstime pe baphoto ya archives ya Ministères pour Chaque Enfant. Matondi na
bino banso.]

EBANDELI 1

BUKU YA MOSISA YA KONDIMA NA BISO

(Mikapo 1-3) (Baleso 15)

Ndenge nini kosalela Mokanda oyo

Notes oyo, moniteur atanga yango ye moko (na bana te):

(Leso 1 ekobanda na lokasa 5)

NB: Po na baverse ya Biblia okotanga: Ezali na tina mingi ete moto oyo akotanga baverse ya Biblia na miso ya bana Kelasi, ayeba kotanga malamumu. Akoki kozala moto oyo asengeli kotiya maloba ya malamumu na kotanga na ye. Soki motangi ya malamumu azali komonana te, moniteur akoki kosenga lisalisi ya moto oyo ayebi kotanga, pe akoki kosala yango, pe ebongi amekola yango liboso kelasi ebanda.

Motangi akoki kozala moniteur, to mwana ya kelasi, to mokolo oyo ayei na kelasi kaka po na kotanga. Likambo ya tina ezali oyo akoki kotanga malamumu-malamumu, pe kotia maloba kitoko.

Eleki malamumu soki bana ya kelasi bakoka komema baBiblia na bango moko. Soki te, bakoki kokuta baBiblia na kati ya kelasi pe bakoki kosalela baBiblia na ngonga ya kelasi. Oyo ezali na tina koleka po na bana ya kelasi ya bajeune ya niveau secondaire.

NB: po na mituna ya kotuna na bajeune ya niveau Secondaire: Eyano na mwa-moke ya mituna (kasi nionso te) ebimi na ba-etude lokola science na etudes sociales. Soki ozali kotangisa baphaseur to bana ya mboka ba oyo batanga mingi mingi te, kanisa malami mituna nini okotuna bango. Kotuna bango te mituna oyo eleki niveau na bango. Mituna ya Niveau Primaire ebongi malamumu po na bana nionso.

NB po na koyemba: Mbala mingi tolingaka koyemba banzembo oyo bana bayebi yango nanu te. Koyemba oyo ezali kolakisa lisusu makanisi ya makambo bawuti koyekola. Koyemba mateya wana, pe kobina yango na kosala bageste, ekosalisa bana po na kisimba mateya wana bawuti koyoka malamumu-malamumu. Moniteur akoki kobongisa ton na ritime po na maloba wana. Banzembo oyo ezali na ritime ya makasi eleki malamumu. Soki moniteur akoki kobongisa ton na ritime po na banzembo oyo te, akoki kopesa eteni ya lesa oyo na moto mosusu oyo azali makasi na kobongisa banzembo.

Masano ya revisio po na baleso nionso:

Makanisi oyo ezali malamumu kosala yango esika nionso na baleso, soki osilisi mateya oyo ezali na tina:

Bacarte ya revisio na lisano: (Bacarte elakisi nini Nzambe asalaka mikolo nionso tango Akelaki likolo na mokili, ezali nakati ya basashet ya mosusu ya materiels. Soki ezali te, yo pe okoki kodessiner bacarte ezali kolakisa yango.)

Pona na kati awa lolenge ya kosala bacarte:

- Tia bacarte ya molongo. Lakisa foto. Bana basengeli balakisa mokolo nini pe nini Nzambe asalaki.
- Balola bacarte po ezali na molongo te. Pesa moko-moko na bana. Bana oyo bakoya liboso ya kelasi pe lakisa bacarte na bango. Bana basalisa yo kotia yango na molongo.
- Balola bacarte pe lakisa carte moko kaka. Pona mwana alakisa mokolo nini carte wana ezali kolobela, pe nini Nzambe asalaki na mokolo wana.
- Tia bacarte na likolo ya mesa. Mwana moko aya pe kotia yango na molongo. Bana mosusu batala soki asali yango malamumu.
- Pesa bana bacarte moko-moko. Bakende liboso ya kelasi. Senga mwana moko apona carte oyo ezali nini esamalaki na mokolo ya misato, etc.

 Nzembo ya revisio pe lisano:

Lakisa bana nzembo traditionel « O Nzambe akelaki Tata Adamu, na mokolo ya motoba ».

Nzembo yang'oyo:

O, Nzambe akelaki Tata Adamu

Na mokolo ya motoba

Na mokolo ya sambo

Apemaki.

O wale, wale wo, wale, wale wo. Wale wale wo

Mwana Davidi.

(Po na baleso oyo, toko changer ligne ya suka koloba « A'kelaki biso. »)

Na sima bana bayekola nzembo wana, bakobanda koyemba yango lolenge oyo:

O Nzambe akelaki pole (bana balakisa mosapi moko)

Na mokolo ya liboso

Na mokolo ya sambo Apemaki.

O Nzambe akabolaki mayi (bana balakisa misapi mibale)

Na mokolo ya mibale

Na mokolo ya sambo Apemaki.

O Nzambe akelaki banzete na matiti (bana balakisa misapi misato)

Na mokolo ya misato Na Na

mokolo ya sambo Apemaki. Etc.

Leso 1 Nzambe akelaki biloko

nionso (Mokolo ya liboso na ya mibale ya Bozalisi)

Ebandeli 1:1-8

☉ **Tina ya Leso:** Na suka ya lesa oyo, bana bakoyeba Nzambe lokola Mozalisi oyo akelaki biloko nionso ya malam, bongo bakopesa Ye lokumu nionso.

♥ **Verse ya Koyekola:** “Na ebandeli, Nzambe akelaki likolo na mokili.” Ebandeli 1:1.

👤 **Nzembo ezali kokende elongo na lesa:**

Tosa Kombo ya Yesu

(Moniteur, maloba ya banzembo nionso ezali na suka ya mokanda, p. 84)

⇒ **Kobanda Leso:** (Moniteur akoki kolakisa histoire oyo, to bana mibale bakoki kosala yango lokola *theatre*.)

Mwana na kombo ya Ntoko atunaki tata na ye mituna ebele mikolo nionso. « Ndenge nini, tata?

Po na nini, tata? Ndenge nini, tata? Po na nini, tata?”

Mokolo moko, atunaki tata na ye,

« Tata, tata oyo abotaki yo azalaki nani? »

« Kombo ya tata na ngai ezalaki Paulo, » tata alobaka. Azalaki koko na bino bana.

“Kombo ya tata na ye nani?”

“Mati.”

“Pe tata na ye?”

« Na yebi kombo ya tata na ye te, kasi tata ya liboso azali Adamu, » alobaka.

« Pe tata na ye Adamu? »

« Adamu azalaki na tata te oyo abotaki ye awa na mokili. Nzambe Ye moko akelaki Adamu.”

“Mmm, elobaki Ntoko. Pe tata ya Nzambe?”

Tata ya Ntoko asekaki. Alimbolelaki ye boye, « Nzambe azali na Tata te. Moto abotaki Ye te. Nzambe awumelaka libela na libela, kozanga ebandeli pe suka. Ezalaki Ye moko akelaki biloko nionso ezali. »

Ntoko akanisaki moke. Akanisaki mingi. Atunaki: “Ndenge nini, Tata?” Ndenge nini ekoki kosalama bongo? Wana ezali makambo monene, Tata. Makambo ya kokamwa!”

🏠 **Mateya monene na Lesa oyo na biteni 3:**

1.1 Sommaire: Na ebandeli, Nzambe akalaki likolo na mokili.

📖 **Tangela bana:** Ebandeli 1:1--1:2a

- 1 “Na ebandeli, tango Nzambe akelaki likolo na mokili,
- 2 Mokili ezalaki ya pamba pe ya kopanzana, ata eloko moko ezalaki te. Mayi ezipaki biloko nionso. Ezalaki koningana makasi, molili pe ezalaki penza likolo na yango.”

? **Kotuna bana mituna lokola oyo— Niveau**

Primaire:

- Nani azalaki liboso ya biloko nionso mosusu? (Nzambe se moko kaka.)
- Nzambe akelaki nini? (Likolo na mokili)
- Mokili ezalaki ndenge nini na ebandeli? (Ya pamba—eleko ezalaki na kati na yango te, ya kopanzana, etondaki na mayi likolo ya mokili mobimba, molili.)

Niveau Secondaire:

- “Likolo elingi koloba nini? (Biloko nionso na likolo lokola moyi, sanza, minzoto na biloko nionso ya lolenge wana, pe esika Nzambi na banzulu bafandaka—biloko nionso ya libanda ya mokili na biso.)
 - Soki tozali koloba maloba oyo, “libela na libela”, elingi koloba nini? (Ezali na ebandeli te, na suka pe te.)

🎭 **Bana basala bageste ezali kolakisa nini esalami (théâtre):**

Bana bakanga miso na bango. Bakoka komona te. Moniteur loba boye, “Na ebandeli, Nzambe azalaki se Ye moko. Na ebandeli, Nzambe akelaki likolo na mokili, kasi nionso ezalaki kaka na molili.” Bana batombola maboko, pe baloba boye, “Nzambe akelaki mokili, kasi nionso ezalaki molili.”

Bana bayemba pe babina:

Nzambe akelaki likolo na mokili, kasi
nani akelaki Ye?
Moto te! Moto te!

1.2 Nzambe akelaki pole, pe ezalaki malamumu. Ebongo Nzambe ekabolaki butu na moyi po na kosilisa mokolo ya liboso.

Tangela bana: Ebandeli 1:2b

*2b Molimo ya Nzambe ezalaki koya kofanda
likolo ya mayi.*

*3 Sik'oyo Nzambe alobaki boye: "Pole ezala" -
- ebongo pole ezalaki.*

*4 Amonaki ete pole wana ezalaki malamumu."
"Ebongo Akabolaki butu na pole,*

*5 Apesaki pole na butu bakombo na bango.
Bongo butu ekweyaki, tongo etanaki. Nionso
mibale ezalaki mokolo ya liboso.*

Tuna bana lolenge oyo—

Niveau Primaire:

- Nani alekaki likolo ya mayi? (Molimo ya Nzambe)
- Nzambe alobaki nini? (Pole ezala.)
- Nini esalamaki po na commande wana? (Pole ezalaki.)
- Nani alobaki ete pole ezalaki malamumu? (Nzambe alobaki yango.)
- Nzambe akabolaki nini na nini? (Akabolaki Pole na Butu.)

Niveau Secondaire:

- Nini ezalaki maloba ya liboso oyo Nzambe alobaki tango Abandaki kokela mokili? (Pole ezala.)
- Biblia ezali koloba ete pole oyo ezali moyi? (Te. Ezalaki pole, kasi moyi te. Kaka na verse 16, na sima, totangi ete Nzambe asalaki moyi.)

NB: Bato ebele baseki Biblia, po elobi ete Nzambe asalaki pole liboso Asala moyi. Kasi bascientiste bayekoyeba sik'oyo ete

pole ezali eloko moko, pe moyi ezali eloko mosusu.

- Ndenge nini Nzambe asalaki to akelaki pole ya liboso? (Na maloba na Ye.)
- Likambo nini ya mabe oyo Nzambe amonaki na wana nionso Asalaki? (Eloko te. Alobaki boye, ezalaki malamumu.)

Bana sala bageste kolakisa nini esalami:

Tia bana na bagroupe mibale, face à face.
Groupe ya liboso baloba, "pole ezala!" Groupe ya mibale bafungola maboko po baloba boye, "Ebongo pole ezalaki." Sala yango mbala misato.

Bana bayemba pe babina:

"Nzambe akelaki pole.
O yea, O yea. O yea."
"Pole moko,
Butu moko--
Mokolo ya liboso."

1.3 Nzambe akabolaki bamayi na likolo na oyo ya mokili. Asalaki mopepe na mokolo ya mibale.

Tangela bana: Ebandeli 1:6-8

6 Sik'oyo Nzambe alobaki boye: "Esika moko ezala ngambo oyo, mayi awa, mayi yango na kati, ekabola mayi na likolo na yango na wana na se na yango. —ebongo esalamaki.

7 Nzambe asalaki esika ekabolaki mayi moko na likolo, mosusu na se.

8 Nzambe abengaki esika kombo "likolo". Butu ekweyaki, tongo etanaki – wana ezalaki mokolo ya mibale.

Kotuna bana lolenge oyo—

Niveau Primaire:

- Nzambe alobaki nini esalama? (Esika ya kokabwana ya mayi ya se na mayi ya likolo.)
- Nzambe abengaki esika wana nini? (Likolo)
- Kokabwana wana esalamaki na mokili nini? (Mokili ya mibale)

Niveau Secondaire:

- Tosalelaka liloba “likolo” ndenge na ndenge. Ekoki koloba nini? (Direction likolo, to esika moyi na minzoto ezali, to esika oyo Nzambe afandaka.)
- Na Biblia pe, basaleli liloba wana ndenge na ndenge. Liloba “likolo” awa elingi koloba nini? (Esika mopepe ezali. Na français tolobi, ‘atmosphère’.)

🏠 Bana sala bageste ezali kolakisa nini esalami:

Bana ya kelasi batombola maboko, ebongo baloba na sima ya maloba na yo: “Mayi moke na likolo.” Bakitisa maboko na se pe baloba, “Mayi moke na se.” Bafungola maboko makasi pe baloba, “Esika moko na kati-kati.” Batombola misapi mibale pe baloba, “Mokolo ya mibale.”

👤 Bana bayemba pe babina:

Mayi na likolo, Mayi na se,
Espace na kati-kati.
Mokolo ya mibale.

👋 Devoir po na bana oyo bayebi Yesu:

Poso oyo mobimba, bana basambela Nzambe oyo akeli biloko nionso. Bakotonda Ye botondi mingi po na biloko nionso ya malamumu, oyo Ye asali.

✝ Kobenga bana oyo nanu bayambi Yesu te:

Soki nanu oyebi Nzambe te, kasi olingi oyeba Ye, pe soki osi omibongisi po na koyamba Yesu Klisto lokola Mobikisi na yo, yebisa ngai na sima ya kelasi. Nakosala na esengo ya kosalisa yo po ozwa liboko lelo.

=====

SUKA YA LESO 1

Leso 1



***“Na ebandeli,
Nzambe akelaki
likolo na se.”....***

.....Ebandeli 1:1

Leso 2. Nzambe alobaki mokili emonana, pe akelaki matiti, moyi, sanza na minzoto.

(Mokolo ya 3 na ya 4)

Ebandeli ch. 1:9 kino na 19.

Kobongisa liboso: Mema ya avocat, to ya manga, to mbuma nionso oyo ezali na mokokoli ya monene. Mema nzungu, ndambu zelo, pe molangi ya mayi. Okosalela yango na eteni ya 2.1 ya lesa-Bana bayemba pe babina.

☉ Tina ya Leso:

Na suka ya lesa oyo, bana ya kelasi bakoyeba ete Nzambe ezali moto oyo akeli biloko nionso oyo ezali po na bolamu na biso pe po na lokumu na Ye. Yango wana, bakotonda Nzambe na motema moko ya bolingo po na mapamboli na Ye nionso.

♥ Verse ya koyekola: Loba lisusu

Ebandeli 1:1, ebongo yekola Ezayi 45:18.

“Mokonzi Nzambe azali Nzambe ya solo.
Asalaki likolo,
Abongisaki mokili pe akomisaki yango makasi.
Asalaki yango te po ezala polele,
Kasi Abongisaki yango po bato bawumela na kati.
Ye moto ezali koloba boye :
“Nazali Mokonzi Nzambe, moto mosusu te.”
Ezayi 45:18

♥ **Bana ya mike:** Bana ya mike (prescolaire) bakoyekola kaka maloba oyo ezali souligne.

⇒ Kobanda Leso:

Na likolo, ezali na baplanete mingi oyo ezali lokola kokokana moke na mokili na biso, kasi moto akoki kofanda kuna te. Mosusu ezali na moto makasi. Moto akowumela na esika wana te, akozika. Mosusu ezali malili makasi. Moto akokoma libanga likolo ya malili wana. Mosusu ezali na mopepe te. Moto akoki kopema na esika wana te. Po na nini ezali lolenge wana? Nzambe asalaki baplanete, minzoto, biloko nionso! Kasi mokili, Akelaki yango po tofanda likolo na yango. (Bana baloba: Nzambe asalaki mokili po tofanda na kati!)

⚡ Kokanisa lisusu:

- Nini Nzambe akelaki mokolo ya liboso? (Likolo na mokili na pole)

- Na mokolo ya mibale? (Esika moko na kati-kati ya mayi ya likolo na mayi ya se)
- Na ebandeli ya mokolo ya misato, nini ebandaki kowumela na mokili? (Ata eloko moko te)
- Bomoyi ezalaki nanu te! Kasi po na nini Nzambe akelaki mokili? (Po bato bafanda na kati)

Sik'oyo, tokomi na mokolo ya mosato.

🏠 Mateya ya monene ya lesa oyo na biteni 3--

2.1. Nzambe atiaki mayi ya mokili esika moko po mabele emonana.

📖 Tangela bana: Ebandeli 1:9-10

9. Nzambe alobaki pe boye: “Mayi oyo ezali na se ezala esika moko, bongo mabele emonana” – ebongo makambo yango esalamaki se lolenge Alobaki yango.

10. Apesaki mokili kombo “Mabele”, ebongo mayi oyo ekomaki esika moko. Apesaki yango kombo “Mbu”. Amonaki ete makambo nionso wana ezalaki malamumu.

? Kotuna bana lokola oyo--

Niveau Primaire:

- Po na nini Nzambe atiaki mayi nionso esika moko? (Po mabele ekoka komonana)
- Nini esalamaki tango Nzambe apesaki motindo wana? (Ekokisamaki kaka lolenge Alobaki.)
- Kombo nini Nzambe apesaki na mayi oyo ekangamaki esika moko? (Mbu to Mer)
- Lolenge nini Nzambe amonaki mosala oyo Ye moko asalaki—mabe, to malamumu, to na katikati? (Amonaki yango malamumu.)

Niveau Secondaire:

- Ndenge nini mosala ya mokolo oyo ezalaki na tina po na baniama na bato bawumela na mokili? (Mabele ezali malamumu mingi po na baniama pe bato. Mbu ezali na tina po na bambisi ya mayi bawumela na kati.)

👤 Kolakisa nini esalami:

- (Moniteur, okosalela biloko obongisaki liboso ya kolakisa bana.) Tia zelo na kati ya nzungu na mayi moke pe finika yango.) Na ngonga ya kelasi, mwana moko akoki kobenda zelo na kati-kati, po emonana lokola ngomba pe ezalaki na mopanzi. Oyo ezali kolakisa lolenge Nzameb abendaki mokili po ezala esika moko pe emonana likolo ya mayi ya mbu.)

👤 Bana bayemba pe babina:

Mokili, yango oyo! (Lakisa mosapi, yango oyo awa.)

Mbu, yango wana! (Lakisa mosapi ete, kuna.) Nzambe nde asalaki yango nionso!

Nkembo na Nzambe!

2.2 Nzambe akelaki banzete na mokolo ya misato.

📖 Tangela bana: Ebandeli 1:11-13

11 Ebongo Alobaki boye: “Mokili ebimisa matiti na banzete oyo ekobota mbuma ya ndenge na ndenge. – ebongo makambo yango esamalami se lolenge Alobaki.

12 Yango wana mabele ebimisaki matiti na banete oyo ezali kobota mbuma ya ndenge na ndenge. Nzambe amonaki ete makambo yango nionso ezalaki malamu.

13 Butu ekotaki, tongo etanaki – wana ezalaki mokolo ya misato.

? Kotuna bana lolenge oyo—

Niveau Primaire:

- Nini ezalaki biloko ya bomoi ya liboso oyo Nzambe akelaki na mokili? (Matiti na banzete)
- Nini ezali ndambu ya matiti na banzete oyo oyebi? (Bana bapesa eyano.)
- Matiti nini pe Nzete nini olinga mingi? Po na nini olingaka yango? (Bana bapesa eyano.)
- Mokolo nini Nzambe asalaki matiti na banzete? (Mokolo ya misato.)

Niveau Secondaire:

- Nzambe asalaki nini po matiti na banzete ekoma ebele? (Asalaki yango na lolenge ebota mbuma na matiti pe banzete mosusu.)
- Nini esengeli tomona na kati ya mbuma oyo ekobota nzete mosusu? (Nkona to mboto. Lakisa nkona omemaki.)
- Sorte boni ya matiti na mbuma Nzambe akelaki? (Ya ndenge nionso)
- Ndenge nini toyebi ete nzete moko ekoki kokoma nzete mosusu te? (Bango nionso bazali na nkona na kati, oyo ekobota nzete ya nkona wana.)
- Ndenge nini banzete ezali kosalisa biso? (Banzete mingi ezali malamu po na bilei, totongelaka yango bandako, kosala babwato, maboka, etc. Pe banzete ekobongisa oxygene oyo ezali na tina po na baniama na bato po na kopema.
- Nini ezalaki makanisi ya Nzambe po na mokili, mbu, matiti na banzete oyo Asalaki? (Ezalaki malamu.)

👤 Bana basala bageste ezali kolakisa nini esalami:

Théâtre: Bana balona nkona ya avocat, manga, to nzete mosusu local. Basolola nini nzete yango ekosala soki ekoli. Mwana moko akanisa ete ekokoma tomate, mosusu orange to ananas. Mosusu aloba boye nkona ya avocat ekopesa avocat kaka, po Nzambe na ebandeli asalaki banzete po ebota nzete mosusu lokola yango.

👤 Bana bayemba pe babina:

Groupe ya liboso: Nzambe akelaki Groupe ya mibale: bitabe

Nzambe akelaki ananasi

Nzambe akelaki manioko

(Bana babenga mbuma oyo balingaka mingi, ebongo bobakisa yango na nzembo.)

Bana nionso: Nzambe akelaki matiti na banzete na mokolo ya misato!

2.3. Nzambe akalaki moyi, sanza, na minzoto na mokolo ya minei.

 **Tangela bana:** *Ebandeli 1:14 tii na 19*

14 Nzambe alobaki lisusu boye: “Biloko wana ezali kongenga, ezala na likolo po na kokabola butu na moyi po kolakisa mikolo, bambula na bileko ya bafeti.

15 Biloko yango ekopela na likolo po na kopesa pole na mokili” —ebongo esalamaki se bongo.

16 Yango wana Nzambe asalaki biloko mibale ya minene oyo ezali kopela: Asalaki eloko moko po engengisa na moyi, eloko mosusu po na kopelaka na butu. Asalaki pe minzoto.

17 Atiaki biloko wana mibale na likolo po na kongengisa mokili,

18 Po na epela na moyi pe na butu, po na kokabola butu na moyi. Nzambe amonaki makambo wana ezalaki malamamu.

19 Butu ekotaki, tongo etanaki — wana ezalaki mokolo ya minei.

? Kotuna bana lolenge oyo—

Niveau Primaire:

- Nzambe asalaki na mokolo ya minei? (Moyi, sanza na minzoto, etc.)
- Nini ezalaki mosala ya moyi, sanza na minzoto? (Kolakisa mokolo, bambula na bileko ya bafeti.)
- Na butu tozali komona moyi, sanza, na pole nini mosusu tokomonaka likolo ? (Minzoto)
- Nani asalaki minzoto? (Nzambe asalaki nionso.)

Niveau Secondaire:

- Nzambe asalakii pole na mokolo ya liboso. Asalaki matiti na banzete, liboso ya kosala moyi, sanza, pe minzoto. Ndenge nini okanisa ndenge nini tokoki koyeba Makambo oyo? (Moniteur, yoka makanisi ya bana pe bakisa makanisi oyo soki bana balobi yango te.)

1. Kuyantika 1:1 ezali sommaire pe kolimbola na detail ezali kolanda yango.

2. Toyebi te pole ya Nzambe asalaki na mokolo ya liboso ezalaki nini.

3. Matiti na banzete ezalaki na pasi ya kowumela mokolo moko na kozanga moyi, po na Ebandeli, Nzambe asalaki pole.

 **Bana basala bageste ezali kolakisa nini esalami:**

Na bageste, groupe moko ya bana balakisa nzela ya moyi na moyi. Groupe ya mibale balakisa nzela ya sanza na butu.

 **Bana bayemba pe babina po na kolakisa nini esalami:**

“Nzambe asalaki moyi po na kokamba moyi”
“Nzambe asalaki sanza po na kokamba butu.”

“Nzambe asalaki minzoto. Nkembo na Nzambe!”

 **Devoir po na bana oyo basibayamba Yesu:**

Na poso ezali koya, sambela Nzambe na motema na bino mobimba. Kosambela biloko Akela te.


 **Kobenga bana oyo nanu bayambi Yesu te:**

Osi oyeba Nzambe yo moko? Osi obongola motema, oyamba Mwana na Ye, Yesu Klisto, lokola Mobikisi na yo? Soki oyebi te, kasi ondimi ete Yesu azali Mwana ya Nzambe pe Mobikisi, soki ozali koyoka posa ya kobongola motema pe kotia elikia epai na Ye, yaka na ngai na sima ya kelasi. Nakozala na esengo ya kosalisa yo.

=====


NSUKA YA LESO 2

Leso 2



Mokolo ya Misato

**Na mokolo ya
misato Nzambe
ayebisaki matiti
na banzete
emonana. Na
mokolo ya
minei,
Ayebisaki moyi,
sanza na
minzoto
emonana.**



Mokolo ya Minei

***“Mokonzi Nzambe azali
Nzambe ya solo.***

***Asalaia likolo,
Abongisaki mokili pe
akomisaki yango makasi.***

***Asalaki yango te po ezala
pamba,***

***Kasi Abongisaki yango po
bato bafanda na kati.***

***Ye moto azali koloba boye:
“Nazali Mokonzi Nzambe,
moto mosusu te.”***

Ezayi 45 :18

Leso 3 (Mokolo ya 5 na ya 6)

Nzambe akelaki bambisi ya mayi, bandeke, ti baniama

Ebandeli 1:20 kino --25

☉ Tina ya Leso :

Na suka ya leso oyo, bana bakoyeba, pe bakozala na esengo ete Nzambe azali Mokeli ya baniama ya ndenge na ndenge. Yango wana bakosambela Ye, kasi bakosambela te biloko Ye akeli.

♥ Verse ya Kuyekola:

Baverse oyo ezali eteni ya liboso ya Mibeko Zomi ya minene oyo Nzambe apesaki:

3 “Kosambela banzambe mosusu te. Sambela kaka Ngai.

4 Kosala te bikeko to bilili ya biloko oyo ezali kuna na likolo, to awa na mokili, to na mayi oyo ezali na se ya mabele.

5 Kofukama te liboso ya bikeko po na kosambela yango... Kobima 20 :3—5a

✿ Banzembo ezali kokende nzela moko na leso:

Banzambe mosusu
Sambela Nzambe Kaka

🔗 Kotala lisusu mateya ya Leso 1 ti 2:

Nzambe asalaki nini? (Bana nionso baloba na ritime):

Mokolo ya liboso--Pole

Mokolo ya mibale - Bamayi na likolo pe na mokili, esika moko na kati-kati

Mokolo ya misato—Moyi, sanza, minzoto

Mokolo ya minei—Matiti na banzete

➡ Ebandeli ya leso:

(Moniteur, lakisa to dessiner foto ya bikeko, to lakisa bikeko oyo ekoki komonana na esika ozali.) Oyo ezali ndambu ya bikeko oyo bato bazali kosambela.

- Na kati ya bikeko oyo, ekeko nini emikelaki yango moko? (Ata moko te. Ezali bato nde basali yango nionso.) Ndambu ya bikeko oyo

ezali komonana lokola baniama, kasi niamazali Nzambe te. Nzambe azali Mokeli oyo asali baniama ya liboso. Asalaki yango na mokolo ya 5 na ya 6 ya poso wana ya liboso, tango Nzambe akelaki biloko nionso.



Mateya ya monene na Leso oyo na biteni mibale--

3.1 Nzambe akelaki bambisi ya mayi na bandeke na mokolo ya mitano.



Tangela bana: Ebandeli 1:20 --23

20 Alobaki pe boye: “Mayi etonda na bambisi ebele ya ndenge na ndenge. Bandeke pe bapumbwa na likolo.”

21 Yango wana, Nzambe asalaki bambisi ya minene ya mayi pe bandeke ya ndenge na ndenge. Amonaki ete makambo wana nionso ezalaki malamamu.

22 Apambolaki bambisi ya mayi boye: “Bobota ebele pona kotondisa mbu.” Apambolaki pe bandeke boye: “Bokoma ebele na mokili.

23 Butu ekotaki, tongo etanaki – wana ezalaki mokolo ya mitano.

? Kotuna bana lolenge oyo—

Niveau Primaire:

- Nzambe akelaki baniama ya ndenge nini na mokolo ya mitano? (Bambisi ya mayi na bandeke)
- Maloba nini baverse oyo ezali kolakisa ete bambisi ya mayi ezalaki ya kokokana te, bandeke pe bazalaki ya kokokana te? (Ebele ya ndenge na ndenge)
- Bambisi ya mayi wana nionso ezalaki ya mike? (Te. Bambisi ya mayi mosusu ezalaki ya minene.)
- Mokolo nini Nzambe akelaki bambisi ya mayi na bandeke? (Mokolo ya mitano)
- Nzambe apambolaki bango po basala nini? (Babota mingi pe batondisa mayi na likolo)

Niveau Secondaire:

- Ndenge nini Nzambe amonaki bambisi ya

mayi na bandeke oyo Asalaki? (Bazalaki malam, verse 21)

Bana basala bageste ezolakisa nini esalami pe **Bana bayemba pe babina kolakisa nini esalami:**

Bana balakisa bageste lokola bazokatisa mayi lokola mbisi ya mayi. Bayemba, “Nzambe akelaki bambisi ya mayi”.
Balakisa bageste lokola bazali kopumbwa likolo. Bayemba, “Nzambe akelaki bandeke.”

3.2 Nzambe akelaki baniama na eteni ya liboso ya mokolo ya motoba.

Tangela bana: Ebandeli 1:24 pe 25

24 *Nzambe alobaki boye: “Molongo nionso ya baniama etonda na mokili lokola niama ya mboka na ya zamba, baniama ya minene na ya mike, bango nionso moko na moko na molongo na ye” – ebongo esalamaki se bongo.*

25 *Yango wana Akelaki baniama yango nionso. Amonaki ete makambo nionso wana ezalaki malam.*

? Kotuna bana lolenge oyo—

Niveau Primaire:

- Baniama nini Nzambe akelaki na mokolo ya motoba? (Baniama ya esobe na ya zamba)
- Nzambe akelaki baniama na lolenge ete baniama ya ndenge moko babaluka, bakoma baniama ya ndenge mosusu? (Te. Bango nionso babotaki kaka baniama ya molongo na bango. Ndakisa: Nzoko abotaki se nzoko, kasi nkondoko te.
- Okoki kopesa ndakisa ya niama ya zamba? Niama ya esobe? Niama ya monene? Niama ya moke?

Niveau Secondaire:

- Ndenge nini Nzambe akelaki baniama? (Alobaki ete ezala.)
- Nzambe amonaki baniama nionso oyo Akelaki ndenge nini? (Nionso ezalaki malam.)

Bana basala bageste ezolakisa nini esalami:

Bana ya kelasi basala bageste pe baganga lokola bazali baniama ya ndenge na ndenge. Na sima, basala lisano. Mwana moko asala bageste lokola niama moko akosala. Bana mosusu bameka koloba lokola niama oyo ayebi.

Soki balobi yango malam lokola niama nini wana, bango nionso basala bageste lokola niama wana pe baloba, “Nzambe akelaki [kombo ya niama wana].

Bana bayemba pe babina kolakisa nini esalami:

Nzambe akelaki baniama.

Soso – cluck! Cluck!
Mbwa- Woof! Woof!
Nzoko—Awoo! Awoo!

(Koba koloba bakombo ya baniama ebele moko na moko. Kolakisa lolenge batambolaka na lolenge bagangaka.)

Matondi, Nzambe po na baniama.

Devoir po na bana oyo basiba yamba Yesu:

Poso oyo, sambela mikolo nionso po na bato oyo basambelaka bikeko, oyo basambelaka biloko Nzambe akela, kasi basambela te Nzambi oyo asalaki biloko oyo. Sambela po na bango mikili mosusu. Senga Nzambe babongola mitema pe bapesa Ye lokumu po Akelaki bango.

Kobenga bana oyo basibayamba Yesu:

Mbala mosusu osambelaka bikeko te. Ezali malam te osambela bikeko, kasi oyebi Mokeli lokola moninga pe lokola Mokonzi? Okoki koyeba Nzambe soki okobongola motema pe oyamba Mwana na Ye, Mokonzi Yesu Klisto, lokola Mobikisi na yo.

Kozela lisusu te. Koyamba Yesu kaka lelo. Soki oyamba Yesu nanu te, kasi lelo olingi kosala yango, yaka epai na ngai na sima ya ecodim pe loba, “Nalingi nayamba Yesu lelo.” Nakozala na esengo ya kosalisa yo.

====


SUKA YA LESO 3

Leso 3



Mokolo ya Mitano

Na mokolo ya mitano, Nzambe akelaki bandeke na bambisi ya mayi.



Mokolo ya Motoba

Na mokolo ya motoba, Nzambe akelaki baniama nionso ya esobe na ya zamba.

***3 “Kosambela banzambe
mosusu te. Sambela kaka
Ngai.***

***4 Kosala bikeko te to bilili
ya biloko
wana ezali kuna na likolo,
to awa na se-mabele, to na
mayi na se ya mabele.***

***5 Kogumbana te liboso ya
bikeko po na kusambela
yango...***

Kobima 20:3—5a

Leso 4 Nzambe akelaki baboti na biso ya liboso.

Ebandeli 1:26-31

☉ Tina ya Leso:

Na suka ya leso oyo, bana bakoyeba ete moto nionso azali na tina, po Nzambe akelaki biso na elilingi na Ye. Yango wana, tosengeli kozala na botosi na moto nionso, ata azali nani.

✠ Kotia lisusu baverse na baleso ya baleso 1-3:

Koloba lisusu nini Nzambe asalaki na mokolo ya Creation. Salela foto simple oyo ekolakisana nini Akelaki mokolo na mokolo. Na sima, bana baloba na mbala moko verse nionso bawuti koyekola

♥ Verse ya Koyekola:

Yango wana Nzambe akelaki bato, bato yango bazalaki lokola Ye moko Nzambe, bakokanaki na Ye. Akelaki mobali na mwasi. Ebandeli 1:27

👤 Banzembo ezali kokende nzela moko na leso:

Nzambe Akelaki Bisu, Mobali na Mwasi
Pambola Bato Mosusu

➡ **Kobanda leso :** Sala senete ya moke ezali kolakisana mwana ya balabala (phaseur). Bana mosusu basali koseka ye, pe bazali kotuka ye pe kosakana na ye na lolenge ya mabe. Mwana moklisto amona nini bazali kosala, ebongo apekisa bango kosala makambo wana. Aloba boye, “Bozali kosala malamute. Nzambe azali na esengo te lolenge bozali kotuka mwana wana. Bozali koyeba te ete mwana oyo azali pe moto?”

Tuna, “Bana, Biblia ezali kolakisana biso nini? Ndenge nini esengeli tofanda na bato lokola mwana oyo? Tozali na ndingisa ya kosala mabe na moto oyo alalaka na balabala? To po azali mobola? To po azali ebosono? To po azali komonana lokola azali mayele te? Lelo, tokomona na Biblia, po na nini ezali tina mingi kozala na botosi na bato nionso.

🏠 Mateya monene ya leso yai na biteni 4:

4.1 Nzambe akelaki bato ya liboso, mobali na mwasi, elilingi na Ye na eteni ya mibale ya

mokolo ya motoba.

📖 Tangela bana: Ebandeli 1:26-27

26 Ebongo Nzambe alobaki boye: “Sik’oyo Tokela bato. Bakozala lokola Bisu, bakokokana na Bisu. Bakokamba bambisi ya mayi, bandeke, na baniama nionso ya mboka na ya zamba, ya minene na ya mike.

27 Yango wana Nzambe akelaki bato. Bato yango bakokanaki na Ye. Akelaki mobali na mwasi.

? Kotuna bana lolenge oyo:

Niveau Primaire:

- Na sima ya kosilisa kokela baniama, Nzambe akelaki lisusu na sima? (Akelaki bato)
- Bato oyo Nzambe akelaki bakokani na nani? (Na Ye moko)
- Nini niama oyo Nzambe akelaki na elilingi na Ye? (Ata moko te. Kaka Bato)
- Bato bazalaki kokamba nini? (Baniama nionso na bandeke)
- Nini ezali lolenge mibale ya bato oyo Nzambe asalaki? (Mobali na mwasi)
- Nzambe akelaki kaka mobali na elilingi na Ye, to bango mibale mobali na mwasi bazalaki ya kokokana na Nzambe? (Bango nionso mibale)

Niveau Secondaire:

- Ndenge nini bato bazali na bokeseni na baniama? (Moniteur yoka makanisi ya bana.)
- Nzambe azali se moko, kasi na verse 26, Nzambe azali koloba na pluriel, “ba (bato) kozala lokola **biso**.” Po na nini Nzambi alobaki bongo? Elingi kolakisana nini? (Ezali kolakisana awa na ebandeli ya Biblia Bosatoya Nzambe-- ete Nzambe azali kaka moko, kasi na kati ya bomoko na Ye ezali pe misato.)
- Elingi koloba nini Nzambe akelaki bato na elilingi na ye? (Tozali na pema ya bomoi oyo ekoki kokufa te, tokoki

kosolola na Nzambe pe kosambela ye, tozali na molimo, tozali bakeli ya mike lokola ye azali Mokeli monene, etc.)

- Soki bato nionso bazali na elilingi ya Nzambe, tosengeli kofanda na bango ndenge nini? (Na botosi, na bolingo, malamumu)

Bana basala bageste ezali kolakisa nini esalami:

Loba kombo ya baniama ndenge na ndenge, moko-moko. Soki olobi kombo ya niama, bana baloba “Niama!” Mbala na mbala, okoloba kombo ya moto. Soki olobi kombo ya moto, Baloba, “Moto!”

Bana bayemba pe babina:

Nzambe akelaki mobali,
Akelaki pe mwasi,
Nzambe akelaki biso nionso
Mobali na mwasi

4.2 Nzambe asengaki na bato (mibali na basi) babota mingi pe bakonza baniama.

Tangela bana: Ebandeli 1:28

28 Ebongo Apambolaki bango boye: “Bobota bana ebele. Bongo bana na bino bakowumela na bisika nionso pe kokamba yango. Bokonza bambisi ya mayi, bandeke na baniama nionso ya mokili.”

? Kotuna mituna lokola oyo:

Niveau Primaire:

- Nzambe apambolaki bango to afingaki bango? (Apambolaki bango.)
- Nzambe ayebisaki basala nini?
(Babota bana ebele)
- Po na nini Nzambe alingaki babota ebele? (Po bana na bango batondisa bisika nionso ya mokili, pe po bakonza yango.)
- Nzambe ayebisaki bango bakonza nini? (Bambisi ya mayi, bandeke na baniama nionso ya mokili)

Niveau Secondaire:

- Ndenge nini toyebi ete bato bazali na likolo ya baniama? (Tosengeli kokamba bango.)

- Tokoki kokonza baniama na ndenge mosusu po baniama basila te na mokili (‘extinct’)?

(Ee, po Nzambe alingi ete tokonza na ndenge moko responsable. Na kati ya likambo yango ezali kobokola bango po basila te, kasi bazala ebele po na kosalisa bana na biso pe na molongo ya bato oyo bakolanda bango.)

- Ndenge nini tokoki kokamba mokili na baniama na ndenge moko ya malamumu? (Moniteur, yoka makanisi ya bana. Bakoki kopesa biyano lokola ‘tokoki kosenga Nzambe abakisa biso mayele,’ to boye ‘tokanisa nini mosusu bato bazali na yango tina,’ kasi biso moko kaka te.

Bana basala bageste ezali kolakisa nini esalami:

- 1) Groupe ya bana balakisa mwa senete oyo ezali kolakisa esengo po baboti mwana. Tuna bana mosusu eteni ya verse oyo elingi kolakisa nini. (Bobota bana ebele.)
- 2) Groupe ya bana balakisa mwa senete ezali kolakisa bato bazali kobokola baniama. Tuna bango eteni ya verse oyo ezali kolakisa nini. (Bokonza...baniama nionso ya mokili)

Bana bayemba pe babina:

Nzambe apambolaki bango
Ayebisaki bango
Kotondisa mokili
Pe kokamba baniama nionso!

4.3 Nzambe apesaki bato nzela balia banzete na matiti.

Tangela bana: Ebandeli 1:29 kino 30

Nzambe alobaki lisusu boye:

29 “Bolia bambuma ya ndenge na ndenge ya matiti pe ya banzete na bisika nionso ya mokili.

30 kasi baniama nionso na bandeke, eloko nionso wana ezali na bomoi, Napesi yango matiti nionso ya mobesu po baliaka” –ebongo esalamaki se bongo.

? Kotuna bana lolenge oyo—**Niveau Primaire:**

- Nini ezalaki bilei Nzambe apesaki bato na ebandeli? (Bambuma, matiti na banzete)
- Nani apesaki bilei na baboti na biso ya liboso? (Nzambe Ye moko)
- Bilei nini Nzambe apesaki na baniamia na ebandeli? (Matiti nionso ya mobesu)
- Soki baniamia ezalaki kolia bango na bango na ebandeli? (Te.)

Niveau Secondaire:

- Po na nini okanisi ete Nzambe apesaki te na bato motindo ya kolia niamia na tango wana?

(Mbala mosusu ezalaki po na liwa ekotaki na mokili kaka tango bato bakomaki kosala masumu. Liboso ya makambo wana, liwa ezalaki te, ata po na bato pe po na baniamia.)

👤 Bana basala bageste:

Bana basala gestes lokola bazali kobuka pe kolia mbuma ya ndenge na ndenge na esengo nionso.

👤 Bana bayemba pe babina:

Bambuma ebele
Banzete ebele
Matiti ebele
Tozali kolia malamumu. Mmm!
Merci, Nzambe. Opesi biso bilei.

4.4 Nzambe alobaki boye nionso Akelaki, ezalaki malamumu koleka. Wana ezali suka ya mokolo ya motoba.**📖 Tangela bana: Ebandeli 1:31**

31 Nzambe amonaki ete makambo nionso oyo Akelaki ezalaki malamumu penza. Butu ekweyaki, tongo etanaki— wana ezalaki mokolo ya motoba.

? Kotuna bana lolenge oyo:**Niveau Primaire:**

- Ndenge nini Nzambe amonaki biloko nionso oyo Akelaki? (Ezalaki malamumu penza.)
- Ndenge nini Nzambe amonaki bato Akelaki—mobali na mwasi? (Bango pe

bazalaki malamumu penza, po nionso Nzambe akelaki, ezalaki malamumu koleka.)

Niveau Secondaire:

- Liboso Akela bato, Alobaki ete biloko Asalaki ezalaki malamumu. Kasi na sima ya kokela bato, Aye koloba ete ezalaki malamumu mingi. Oyo elingi koloba nini? (Bana bapesa makanisi na bango)

👤 Bana basala bageste:

Benga bakombo ya baniamai. Na niamia moko-moko, aloba, “Ezali malamumu! Na sima, abenga ‘moto,’ pe bana baloba, “Ezali malamumu mingi!”

👤 Bana bayemba pe babina:

Nzambe aselelaki biso mokili!
Mokili ya malamumu!

👤 Devoir po na baklisto:

Okoki koyeba moto oyo bato mosusu bazali koseka to kotiola? Bakoki kosala kozwa ye te lokola elilingi ya Nzambe?

Po na nini bokoki kozala na ye na ndenge ya malamumu? (Moniteur, yoka nini bana bakoloba. Na sima, loba boye mbala mosusu bazali kosala bongo po bayebi te ete azali elilingi ya Nzambe.)

Okoki kokanisa moto oyo osali mabe? (Moniteur, yoka eyano, to tika bango bakanisa kaka motuna wana.) Ndenge nini ozali komona lolenge osengeli kobalola lolenge okozala na ye? Nini okobongola na poso oyo?

Soki ozali na tango, benga mwana moko asala lokola azali bato wana. Bana mosusu basengeli kolakisa bageste ndende nini bakofanda na mwana wana.

Mwana oyo asali yo mabe.

Mwana oyo azali na likolo ya kobeba

Mwana oyo azali kitoko

Mwana oyo azali mayele mingi te

Mwana oyo azali na maladi oyo ezali kopesa ye pasi ya koningisa nzoto na ye.

Mwana oyo awumeli kofanda na nzela lokola phaseur

Mwana ya ndundu

Mwana oyo azali na bosoto pe solo ya mabe,
etc.

(Moniteur, bakisa situation mosusu oyo etali
esika ozali.)

✝ Kobenga bana na Yesu:

Nzambe akelaki yo na elilingi na Ye. Nzambe
alingi yo mingi. Alingi kozala moninga na yo,
kozala na boyokani na yo.

Kasi masumu ezali kokanga yo nzela ya kozala na
boyokani wana. Bisu nionso tosali masumu.

Tosali na bosenga ya bolimbisi ya Nzambe. Osi
obongami na kobongola motema pe koyamba Yesu
lelo, kondima kozwa lobiko oyo Akoki kopesa yo?
Soki ozali ya kobongama, yaka epai na ngai na
sima ya kelasi. Loba kaka, “Nalingi nayamba
Yesu.” Nakozala na esengo ya kosalisa yo.

===

SUKA YA LESO 4



Leso 4

Na
mokolo
ya
motoba,
Nzambe
akelaki
bato—
baboti na
bisu ya
liboso, na
elilingi na
Ye moko.

***Yango wana Nzambe asalaki
bato. Bato yango bazalaki
lokola Ye Nzambe.***

Bakokanaki na Ye.

***Asalaki mobali na mwasi.
Ebandeli 1:27***

Leso 5 Nzambe apambolaki mokolo ya kopema.

Ebandeli 2:1-3

☉ **Tina ya Leso:** Na suka ya lesa oyo, bana bakoyeba ete Nzambe atie mokolo mokospecial na poso nyonso. Ezali mokolo ya bopemi pe kokanisa Ye. Yango wana, bango pe bakotia mokolo moko na poso nyonso po na kosambela Nzambe pe kopema.

♥ **Verse ya koyekola:**

*Nzambi apambolaki mokolo oyo ya sambo.
Akomisaki yango mokolo na Ye, po na mokolo wana, Asilisaki mosala na Ye nionso, Apemaki.
Ebandeli 2:3*

👑 **Banzembo ezali kokende nzela moko na lesa:**

Tokutani
Nzambe Asalaki Tata Adamu (lokasa 4)

Kotala lisusu baleso 1-4:

Kolobela lisusu mikolo ya Creation.

⇒ **Ebandeli ya Leso:** Na theatre, mwana moko oyo azali kokende na losambo kokutana na mwana mosusu oyo azali kokende na bilanga na ye. Mwana ya bilanga abanda koseka mwana oyo azali kosambela. Aloba boye bato bazali kokende losambo po bazali na bolembu. Mwana ya losambo azongisaki boye Nzambe asalaki mokolo moko na poso po na losambo pe po na kopema.

🏠 **Mateya monene na Lesa oyo na biteni 2:**

5.1 Nzambe apemaki na mokolo ya sambo.

📖 **Tangela bana:** Ebandeli 2:1-- 2

1 Bongo Nzambe asilisaki mosala na likolo, na mokili pe biloko nionso ezali likolo na yango.

2 Na mokolo ya sambo Nzambe asalaki lisusu te, Apemaki.

? **Kotuna bana –**

Niveau Primaire:

- Nzambe asalaki nini na mokolo ya sambo? (Asalaki lisusu te, Apemaki.)

- Po na nini Apemaki? (Asilisaki mosala na Ye nionso.)

Niveau Secondaire:

- Ndenge nini likanisi oyo ya baposo ebandaki? (Ebandaki na tango Nzambe asali mokili, po Nzambe asalaki mokili na mikolo 7.)
- Soki moto ayebisi ete bato oyo bapemaka mokolo moko bazali kaka na bolembu, okoloba na ye nini?

(Nzambe Ye moko apesaki biso mikolo 6 ya mosala pe mokolo 1 poso nionso po na kopema pe kokanisa Ye.)

👑 **Bana basala bageste ezali kolakisa nini esalami:**

Tanga na misapi: Sala. Sala. Sala. Sala. Sala. Sala. Tanga na musapi ya sambo: Kopema. Na sima, bana basala yango. Groupe moko bakoki kotanga na misapi, ebongo groupe ya mibale bakoki kosala gestes ezali kolakisa mosala pe kopema.

👑 **Bana bayemba pe babina:**

O, Nzambe akelaki Tata Adamu
Na mokolo ya motoba
Na mokolo ya sambo, Apemaki.

O, wale, wale wo. Wale wale wo. Wale wale wo, Mwana Davidi.

O, Nzambi akelaki Mama Eva, etc.

5.2 Nzambe apambolaki mokolo ya sambo pe akomisaki yango mokolo na Ye.

📖 **Tangela bana:** Ebandeli 2:2

2 Apambolaki mokolo oyo ya sambo.
Akomisaki yango mokolo na Ye, po na mokolo wana Asilisaki kosala mosala na Ye nyonso.
Ebongo Apemaki.

? **Kotuna bana lolenge oyo--**

Niveau Primaire:

- Nzambe apambolaki mokolo nini? (Mokolo ya sambo)
- Po na nini? (Po na mokolo wana, Nzambe apemaki.)

Niveau Secondaire:

Nzambe apambolaki mokolo ya sambo. Nini mosusu Asalaki po na mokolo wana? (Akomisaki yango mokolo na Ye.)

- Nini tokoki kosala lelo po na kolakisa ete ezali mokolo ya Nzambe? (Kosambela, kotanga Biblia, po na kokanisa Ye.)
- Bato mosusu bazali koloba boye kopema ezali mabe, bato bazali kopema mokolo mobimba, bakoki kozala kaka bato ya bolembu. Likanisi nini ya Biblia okoki kopesa bato wana? (Ekoki koloba te ete kopema ezali mabe, po Nzambe apesaki biso mokolo wana, pe Nzambe ye moko apemaki na mokolo wana. Nzambe akoki kosala likambo ya mabe te.)

? Bana basala bageste ezali kolakisa nini esalami:

Bana basala theatre. Moko azali kosala lokola azali Nzambe. Bana mosusu basala lokola bazali kosambela pe kopema na mokolo ya Nzambe. ‘Nzambe’ atala ba oyo mosusu, pe Aloba boye: “Kopemi malamu! Napamboli mokolo oyo ya bopemi, pe nakomisi yango mokolo na Ngai.”

🔊 5.2 Bana bayemba pe babina:

Na mokolo ya sambo
Apemaki.

👉 Devoir po na bana oyo basibayeba Yesu:

Osi osalela mokolo moko ya poso nionso po na kokanisa Nzambe, pe kotonga boyokani na yo na Ye? Osi okutani na bandimi mosusu na poso nionso po na kosambela Nzambe? Soki te, osi obandi yango na poso oyo?

✝ Kobenga bana na Yesu:

Tango nyonso Nzambe azali kokanisa bolamu na biso. Po na biso Atiaki mokolo ya kopema poso nionso. Azali kokanisa bolamu na biso kaka sik’oyo te, kasi mbula na mbula. Apesaki Mwana na Ye kaka moko po na kobikisa biso. Soki nanu oyambi Yesu te, lelo ezali ngonga ya malamu ya kosala yango.

Na sima ya ecodim tango kelasi ewuti kosila, soki olingi koyamba Yesu lelo, nasengi yo oy ape

kofanda awa na kiti oyo (Lakisa bango esika.)
Nakoya pe nakosalisa yon a koyamba Yesu na motema na yo. (Moniteur, soki bana bakeyi esika wana, kende kun ape komema bango na Yesu.)


=====

SUKA YA LESO 5

Oyo materiel supplémentaire okoki kosalelana Niveau Secondaire soki Makambo ya mokolo nini ezali na mokolo ya losambo (Samedi to Dimanche) ezali probleme esika ozwami.

- Na mokolo nini ya poso lingomba ya liboso ezalaki kokutana po na losambo? (Misala 20 :7, 1 Bakolinto 16 :2—mokolo ya liboso ya poso nionso)
- Kokutana wana ezalaki kokundola Makambo nini ya monene oyo esalamaki? (Matayo 28 :1, Malako 6 :2, Luka 24 :1, Yoane 20 :1—kotelama ya Yesu na liwa)
- Biblia elobi boye baklisto basambisa bato mosusu te nalikambo nionso? (Bakolose 2 :16—ndenge bakotosa mikolo ya eyenga na mokolo ya bopemi)
- Baklisto mosusu bamoni ete bandimi bakoki kosambela na mokolo ya liboso ya poso nionso, lokola lingomba ya liboso ezalaki kosala. Mosusu bazali komona ete tosengeli kotosa kaka mokolo ya sambo, lokola bato oyo Nzambe azalaki kosala na Boyokani ya Kala. Baverse oyo elakisi ete Biblia na Boyokani ya Sika epesi baklisto lipanda to ndenge ya kopona na Makambo oyo.

Ata tosambeli na poso to na lomingo, tozali kolanda mobeko ya bopemi na kokanisa Nzambe mokolo moko na poso nionso.



Leso 5

**Na mokolo ya
sambo,
Nzambe
apemaki na
mosala na Ye
nionso.**

***Nzambe apambolaki mokolo
oyo ya sambo.***

***Akomosaki yango mokolo na
Ye, po na mokolo yango wana,
Asilisaki kosala mosala na Ye
nyonso. Ebongo, Apemaki.***

Ebandeli 2:3

Leso 6 Nzambi akelaki Adamu

(Detail ya koleka na ndenge Nzambe akelaki moto na mokolo ya motoba)

Ebandeli 2:4 -- 7

🎯 **Tina ya Leso:** Na suka ya leso oyo, bana ya kelasi bakoyeba ete biso bato tozali special, ezali te lokola baniamu, po tozali na molimo ya Nzambe oyo Ye moko apesaki biso.

❤️ **Verse ya Koyekola:**

Sik'oyo. Mokonzi Nzambe azwaki putulu ya mabele. Asalaki na yango moto. Afulaki mopepe oyo epesaka bomoi na zolo ya moto, ebongo moto abandaki kopema. Ebandeli 2:7

👤 **Banzembo ezali kokende nzela moko na leso:**

Nzambe Asalaki Bisu, Mobali na Mwasi
Apambolaki Bato Mosusu

🏠 **Kotala lisusu baleso ewuti koleka:**

Motuna: “Nini tositoyekoli na ndenge Nzambe akelaki baboti na biso ya liboso?”

(Moniteur, yoka makanisi ya bana. Bakoki koloba lolenge oyo:

Nzambe akelaki mobali na mwasi.

Akelaki bango na mokolo ya motoba. Bato bazalaki makambo ya suka oyo Nzambe akelaki.

Nzambe akelaki biso na elilingi na Ye.

Nzambe alobaki ete bazalaki malamumu mingi. Etc.)

➡️ **Kobanda Leso:**

Bokeseni ezali nini na kati ya bato na baniamu? Okanisi nini? (Moniteur, pesa tango moke po bana bapesa makanisi na bango.) Tositomoni na Ebandeli mokapo ya liboso, bokeseni moko ya monene. Bato, Nzambe akelaki biso na elilingi na Ye, kasi baniamu bazali na elilingi na Ye te. Na Ebandeli mokapo ya mibale, tokomona bokeseni mosusu ya monene. Yoka malamumu po na oyeba ezali nini.

🏠 **Mateya Monene ya Leso na biteni 3:**

6.1 Ebandeli mokapo 1 eyebisi na mokuse makambo ya monene oyo Asalaki mikolo nionso na kosala biloko nionso. Na mokapo ya

2 Nzambe ayebisaki biso detail ya koleka po na makambo oyo eleki tina.

📖 **Tangela bana: Ebandeli 2:4**

4 Mutindo oyo Nzambi akelaki likolo na mokili...

❓ **Kotuna bana lolenge oyo—**

Niveau Primaire:

- Mokapo oyo biso tozali kotanga, ezali kopesa histoire nini? (Ndenge Nzambe akelaki likolo na mokili)
- Ndenge nini likolo na mokili ebandaki? (Nzambe asalaki to akelaki yango.)

Niveau Secondaire :

- Totangi na mokapo ya liboso ndenge nini Nzambe akelaki biloko nionso, ebongo na mokapo ya mibale, tozali kotanga makambo wana lisusu. Po na nini koloba yango mbala mibale? Okanisi nini?

(Na kati ya Boyokani ya Kala, tomoni principe to patron oyo abandaki awa pe tomoni mbala ebele na sima na kati ya mikanda ya histoire.

Liboso, mokomi akoloba histoire na sense ya monene—makambo ya monene (lokola grandes lignes). Na sima, akozongela kolakisa badetail oyo eleki tina. Mokapo ya mibale ezali mateya ya sika te, ezali detail ya makambo oyo eleki tina—ndenge Nzambe akelaki moto na mokolo ya motoba.

🏠 **Bana basala bageste ezali kolakisa nini esalami:**

Repeter na bageste ezali kolakisa makambo oyo-- Nzambe akelaki mokoli. (Tia maboko rond po na kolakisa mokili mobimba.)

Pe akelaki likolo. (Lakisa misapi na likolo.)

Mokonzi Nzambe akelaki nionso! (Sala bacercle ya minene na maboko.)

👤 **Bana bayemba pe babina:**

Mokonzi Nzambe akelaki mokili (beta makolo) na likolo pe! (Tombola maboko nionso mibale.)

Biblia elobi yango!

6.2 Na Ebandeli, mbula enokaki te, kasi mayi ezalaki kobima na mabele po na kopesa mayi na biloko Nzambe asalaki.

 **Tangela bana:** *Ebandeli 2:5-6*

- 5 *Ata nzete moko ezalaki te na mokili. Ata matiti moko te ebimaki na mabele, po Nzambe azalaki nanu anokisi mbula te na mokili. Ata moto moko te azalaki kosala bilanga.*
- 6 *Kasi mayi ezalaki kobima kaka na se ya mabele, ezalaki kopanzana se likolo ya mokili mobimba.*

? Kotuna bana lolenge oyo--

Niveau Primaire:

- Na ebandeli, ndenge nini mokili ezwaki mayi? (Mayi abandaki kobima kaka na se ya mabele, ezalaki kopanzana likolo ya mokili.)
- Lakisa bokeseni oyo ezali komonana na ndenge tokomona ndenge mokili ezali kozwa mayi lelo? (Lelo Nzambe azali konokisa mbula po na biso, kasi na tango wana, ezalaki bongo te.)

Niveau Secondaire:

- Osi otanga mikanda oyo mokomi akomi makambo oyo elakaki na eleko moko, ebongo na sima, akozongela makambo oyo esalamaki liboso? (Ezali se ndenge moko bakomi mosusu bakomaka.)
 - Okoki kolakisa ndenge mokomi ya mokanda ya Ebandeli azali koloba liboso makambo esalamaki, ebongo na sima, azongeli koloba makambo oyo elekaki liboso?
- (Mokomi asi alakisi makambo ya minene oyo esalamaki na mikolo 7 tango Nzambe akelaki likolo na mokili. Awa na mokapo ya mibale, azongelaki na ngonga moko na kati ya mikolo wana. Azongelaki na mokolo ya mibale, liboso Nzambe asala matiti.)
- Okanisi nini ndenge mokomi oyo ezali koloba yango mbala mibale?
- (Kopesa badetail mosusu.)

- Bato mosusu balobi ete makambo nionso ya mokili esamalaka ndenge moko wuta

ebandeli kino tango ya lelo. Ndenge nini baverse oyo ezali kolakisa ete makambo nionso ezalaki ndenge moko te wuta ebandeli? (Na ebandeli mbula enokaki te, kasi mikolo oyo mbula enokaka.)

Bana basala bageste ezali kolakisa nini esalami:

Na ebandeli,

“Matiti ezalaki te!” (Mwana alakisa matiti, ebongo abwaka yango.) “Mbula ezalaki te!” (Mwana abwaka mayi moke likolo ya bana.)

“Moto te azalaki kobalola mabele to kosala bilanga!” (Bana nionso basala lokola bazali kobalola mabele.)

Bana bayemba pe babina:

Nzambe akelaki mokili, kasi ehangaki nini? Moto, o moto, o moto nde azangaki.

6.3 Nzambe akelaki moto ya liboso na putulu ya mabele. Ebongo Atiaki na zolo na ye mopepe oyo epesaka bomoi.

 **Tangela bana:** *Ebandeli 2:7*

7 Sik'oyo, Mokonzi Nzambe azwaki putulu ya mabele. Asalaki na yango moto. Atiaki mopepe oyo epesaka bomoi na zolo ya moto, ebongo moto abandaki kopema.

? Kotuna mituna lolenge oyo--

Niveau Primaire:

- Kombo nini ya Nzambe mokomi azali kosalela awa? (Mokonzi Nzambe)
- Maloba oyo “Mokonzi”, elingi koloba nini? (Azali moto azali na nguya ya koyebisa biso nini tosengeli kosala pe kokata makambo.)
- Nzambe asalaki moto na nini? (Putulu ya mabele)
- Ndenge nini moto abandaki kozala na bomoi? (Nzambe atiaki mopepe oyo epesaka bomoi na zolo na ye.)

Niveau Secondaire:

- Omoni bokeseni nini na kati na kati ya Nzambe na moto?

(--Nzambe asalaki moto, moto azali moko ya bikelamo ya Nzambe. --Nzambe azali Mokonzi oyo ezali kokonza biloko nionso, tozali mikonzi ya mike na se ya nguya na Ye. --Nzambe awumeli mbula na mbula, kasi biso tozali na ebandeli, etc.)

- Nzambe asalaki moto na putulu, kasi tozali komona te lokola putulu ya mabele. Ebongo, apart oyo Biblia ezali kolakisa yango, ndenge nini mosusu toyebi ete ezali ya solo? (Nzoto na biso ezungaka na putulu na sima ya liwa.)

👥 Bana basala bageste ezali kolakisa nini esalami:

Bana nionso na mbala moko basala bageste lokola Nzambe azali kosala moto na putulu ya mabele. Ebongo, basala bageste lokola Nzambe azali kofula mopepe ya bomoi na zolo na ye. Na suka, basala bageste lokola bazali moto oyo Nzambe awuti kosala. Babina pe bakumisa Nzambe po Apesi bango mokili ya malam, ya kitoko.

👤 Bana bayemba pe babina:

Nzambe afulaki mopepe na zolo ya moto. (Bana bafula mopepe. Foo! Foo!)

Mopepe ya bomoi (Bana bafula lisusu mopepe. Foo! Foo!)

Moto akomaki kolo-bomoi. (Bana babina na esengo.)

✋ Devoir po na bana oyo basibayeba Yesu:

Mbala mingi tokosala makambo na botosi te epai ya bato mosusu. Mbala mosusu tozali komona ete bato wana bazali bazoba, bolembu, mobola, mbindo, to bato ya pamba. Kasi bango nionso, Nzambe asalaki bango pe na elilingi na Ye.

Senga Nzambe alakisa yo ndenge nini okoki kosala po na kolakisa botosi na bato nionso. Mbala mosusu okoki kosenga bolimbisi ya moto po na lolenge osali epai na ye. Senga lisalisi ya Nzambe po obanda na poso oyo kofanda na bato na botosi.

✝ Kobenga bana na Yesu oyo bayamba Ye nanu te :

Nzambe alingi bato. Alingi yo. Yesu

Klisto, Mwana ya Nzambe, atikaki ndako na Ye ya kitoko na likolo. Ayaki kokita awa na mokili.

Akufaki po na kofuta niongo ya masumu na yo. Atelemisaki na liwa, ebongo, Azali na bomoi lelo. Alingi kobikisa ye lelo, kopesa yo bomoi ya seko na seko lelo.

Obongoli motema, oyamba Mokonzi Yesu Klisto lokola Mobikisi na yo? Soki ozali na tina ya lisalisi po na kokata makambo oyo, nakozala na esengo ya kosalisa yo lelo. Yaka kosolola na ngai na sima ya ecodim.

===SUKA YA LESO 6



Nzambe asalaki mobali na putulu ya mabele. Afulaki ye mopepe na zolo, ebongo ayaki kozala na bomoi.

**Sik'oyo, Mokonzi
Nzambe azwaki putulu
ya mabele.**

Asalelaki yango moto.

**Afulaki mopepe ya
bomoi na zolo ya moto,
ebongo moto abandaki
kopema.**

Ebandeli 2:7

Leso 7 Nzambe atiaki Adamu na elanga pe apesaki ye mosala.

Ebandeli 2:8-15

Bongisa liboso: Kata biteni ya banzete ya kitoko ndenge na ndenge.

☉ **Tina ya Leso:** Na suka ya leso oyo, bana bakoyeba ete mosala ezali lipamboli ya Nzambe apesi biso liboso masumu ekota. Mokano wana ezalaki po na bolamu na biso. Yango wana bakosala makasi na esengo, po ezali mokano ya Nzambe.

♥ **Verse ya koyekola:**

Sik'oyo Mokonzi Nzambe azwaki moto, Atiaki ye na elanga na mokili ya Edeni po kosala na kati pe kotalaka yango malamumu-malamumu. Ebandeli 2:15

🔊 **Banzembo ezali kokende nzela moko na leso:**

Olingi Kozala Molongi?
Sala Makasi, Koboya Bolembu

🔗 **Revisio ya baleso ewuti koleka:** Kotala lisusu na lombango mikolo 7 ya Creation. Na leso ewuti koleka, totalaki lolenge Nzambe asalaki moto na putulu ya mabele. Sik'oyo tokomona nini esamalaki na sima na yango.

➡ **Kobanda Leso:**

Sala senete moke. Bana mibale bazali kosolola oyo etali mosala. Moko na kati na bango aboya kosala mosala. Azali komona ete mosala eleki makasi, ezali bosoto, ezali mabe, ezali kopesa soni, ezali interessant te, etc.

Mwana mibale amoni ete mosala ezali interessant, ezali komema suka ya malamumu, ezali koteya biso makambo ebele, ezali kosalisa biso na bandenge ebele. Mwana oyo azali kolinga mosala, abunda makasi. Alakisi makanisi ya mabe. Asala mosala na ye nionso malembe-malembe, pe asala yango malamumu te. Akolakisa na makambo nionso ete azali na esengo te po na mosala wana.

Mwana mosusu, oyo alingi mosala, Ayemba banzembo tango azali kosala mosala. Alakisi esengo. Asala noki. Azali kosala malamumu, pe asilisa nionso oyo abandaki kosala.

Tango bana ya kelasi bazali kotala ndenge bana oyo mibale bazali kosala, tuna bango, “Ezali malamumu to mabe? Bokanisi nini? Po na nini ezali malamumu (to mabe)? Yebisa bango: Lelo tokomona nini Biblia ezali koloba po na makambo ya mosala. Tokomona ndenge nini mosala ebandaki.

🌟 **Mateya monene ya Leso na biteni 3:**

7.1 Nzambe alonaki elanga pe atiaki moto na kati na yango

📖 **Tangela bana:** Ebandeli 2:8-9

8 *Ebongo Mokonzi Nzambe asalaki elanga na mokili ya Edeni, na ngambo ya este ya mokili ya Kanana. Na kati Atiaki moto oyo Akelaki.*

9 *Nzambe alonaki banzete ya ndenge na ndenge. Ekolaki, ezalaki kitoko, ebotaki pe bambuma ya kitoko po na kolia. Na kati-kati ya elanga, Alonaki pe banzete oyo ezalaki kopesa mayele po na koyeba makambo ya malamumu na makambo ya mabe.*

❓ **Kotuna bana lolenge oyo --**

Niveau Primaire:

- Nani alonaki elanga? (Mokonzi Nzambe)
- Nzambe alonaki elanga wapi? (Na mokili ya Edeni, na ngambo ya este ya mokili ya Kanana)
- Nzambe atiaki nani na kati ya elanga wana? (Moto Ye akelaki)
- Nzambe alonaki banzete ya ndenge nini na elanga wana? (Banzete ya ndenge na ndenge ya kitoko, oyo ebotaki bambuma malamumu ya kolia)
- Kombo ya nzete moko special oyo ezalaki na kati-kati ya elanga wana? (Nzete wana ezalaki kopesa mayele po na koyeba makambo ya malamumu na makambo ya mabe.)

Niveau Secondaire:

- Bokeseni nini omoni na kati ya creation ya banzete na mokolo ya misato pe kolona elanga ya Edeni na mokolo ya motoba? (Banzete ezalaki po na mokili mobimba, kasi elanga ya Edeni ezalaki elanga)

special po na bato ya liboso oyo Nzambe asalaki.)

Bana basala bageste ezali kolakisa nini esalami:

Bana ya kelasi batala banzete ya malamumu, ebongo baloba boye, “Aaaah! Kitoko!”

Ebongo basala geste lokola bazali kolia bambuma, pe baloba boye, “Aaaah! Elengi!”

Bana bayemba pe babina:

Nzambe alonaki elanga, na banzete ya kitoko

Nzambe alonaki elanga, na bambuma ya elengi,

Nzambe alonaki elanga po na moto oyo Ye asalaki.

7.2 Ebale epesaki mayi na elanga ya Edeni. Na sima, ekabwanaki, ekomaki bibale minei.

Tangela bana: Ebandeli 2:10 -14

10 Ezalaki na liziba ya mayi na mokili ya Edeni. Ebale yango ezalaki kokatisa na kati ya elanga ti na libanda, kuna ekabwanaki na bibale minei.

11-12 Ebale ya liboso kombo na yango Pishoni, ezali kozinga mokili oyo Avila. (Na mokili yango ezali na wolo penza, nsolo malamumu oyo deliumi na mabanga oyo ya talo oniksi.)

13 Ebale ya mibale kombo na yango Gihoni, ezingi mokili ya Kushi.

14 Ebale ya misato kombo na yango Tigre, ezali kotiola na ngambo ya este ya mokili Asiria. Ebale minei kombo na yango Efrate.

? Kotuna bana lolenge oyo--

Niveau Primaire :

- Bibale boni ezalaki na elanga ya Edeni? (Liziba moko ekabwanaki na bibale minei.)
- Kombo ya bibale minei wana nini? (Pishoni, Gihoni, Tigre, na Efrate.)
- Okanisi nini ezalaki tina ya liziba ya ya

Edeni? (Kopesa mayi na mokili.)

Niveau Secondaire:

- Ebale Pishoni ezalaki kozinga mokili nini? (Mokili ya Avila)
- Ba minéraux ya talo nini ezalaki na mokili wana ya Avila? (Wolo, nsolo malamumu oyo deliumi na libanga oyo oniksi.)
- Ebale ya mibale, Pishoni, ezalaki kozinga mokili nini? (Mokili ya Kushi) (Kushi ezali na Afrika.)
- Ebale ya misato, Tigre, elekaki na este ya mokili nini? (Mokili ya Asiria)
- Nini kombo ya ebale ya minei ? (Ephrate)
- Kanisa! Bakombo ya bibale mosusu ezali lokola toyoki na kelasi ya histoire. Bakombo nini wana? (Tigre na Ephrate ezali wana ya bato bazali koyeba mingi, bazali kosolola na kelasi ya histoire.)

Bana basala bageste ezali kolakisa nini esalami:

Tia bana na molongo. Liboso, batambola na molongo, balakisa ebele moko ya Edeni. Na sima, kabola milongo minei oyo ezali kolakisa bibale minei oyo ekabwanaki na ebale ya Edeni. Milongo minei ya bana batambola banzela ekeseni, kolakisa ndenge ebale ya Edeni ekabwanaki pe kosala bibale minei, oyo ekendaki na mikili mosusu.

Bana bayemba pe babina:

Ebale ebandaki na Edeni,

Kopesa mayi na elanga.

Mm. Mmm. Mmmmmmm!

7.3 Nzambe atiaki moto na kati ya elanga po na kobatela yango malamumu.

Tangela bana: Ebandeli 2:15

15 Sik'oyo, Mokonzi Nzambe azwaki moto. Atiaki ye na elanga na mokili ya Edeni po kosala na kati pe kobatela yango malamumu-malamumu.

? Kotuna bana lolenge oyo --

Niveau Primaire :

- Nzambe atiaki moto wapi?

(Na kati ya elanga ya Edeni)

- Misala mibale boni Nzambe apesaki na moto na elanga wana? (Kosala na kati pe kotala yango malamumu-malamumu.)

Niveau Secondaire :

- Elanga ya Edeni etondaki na banzete ya kitoko na ya malamumu, kasi Nzambe atiaki moto na elanga wana te kaka na kotala kitoko ya banzete. Atiaki moto na kati po na nini? (Kosala mosala—kobatela elanga wana malamumu.)
- Nzambe apesaki mosala oyo na moto liboso to na sima masumu ekota na mokili? (Liboso ya masumu)
- Oyo ezali kolakisa biso nini? (Mosala ezali mabe te. Ezali etumbu te.)
- Okoloba nini soki moto alakisi eete mosala ya bilanga ezali mosala ya botosi te to mosala po na bato ya mayele? (Esengeli kozala ya botosi po Nzambe apesaki yango na moto.)
- Okanisi nini po na moto oyo tina ya bomoi na ye ezalaka kokima mosala ya bilanga? (Makanisi na ye ezali mabe po Nzambe ye moko apesaki biso mosala.)

👤 Bana basala bageste ezali kolakisa nini esalami:

Tia banzete ya kitoko na kati ya mabele lokola banzete oyo ebandi kokola. Benga mwana ya kelasi aya liboso, ebongo yebisa ye ete mosala na ye ezali kokolisa banzete oyo po ekola malamumu-malamumu.

👤 Bana bayemba pe babina:

Nzambe apesaki biso mosala ya liboso, Mosala ya malamumu na elanga ya Edeni. Matondi Nzambe, po na mosala!

👤 Devoir po na baklisto:

Mosala ezali malamumu. Ezali makabo ya Nzambe po na bolamu na biso. Tango baboti na yo to moniteur na yo alakisi yo mosala, sala yango na motema malamumu. Poso oyo, sala mosala na yo nionso na motema malamumu kozanga koyima-yima.

✝ Kobenga bana oyo bayamba nanu Yesu te:

Na ebandeli, baboti na biso ya liboso batambolaki na boyokani malamumu na Nzambe na kati ya elanga ya Edeni. Boyokani wana ekatanaki tango basalaki masumu. Kasi Yesu Klisto Mwana ya Nzambe akufaki, pe Atelemaki na liwa po na kozongisa biso na boyokani na Nzambe. Soki oyambi nanu Yesu te, lelo ekoki kozala mokolo ya lobiko po na yo. Yaka kosolola na ngai na sima ya kelasi lelo. Nakozala na esengo ya kosalisa yo.

===SUKA YA LESO 7



Nzambe atiaki Adamu na kati ya jardin na mosala ya kokeba yango malamumu.

Sik'oyo, Mokonzi
Nzambe azwaki
moto. Atiaki ye na
kati ya elanga na
mokili ya Edeni po
na kosala na kati, pe
po na kotala yango
malamu-malamu.

Ebandeli 2 :15

Leso 8 Nzambe amekaki baboti na biso.

Ebandeli 2:16 --24

Kobongisa liboso:

Soki okoki kozwa poupee, okosalela yango na Kobanda Leso.

🕒 **Tina ya Leso:** Na suka ya lesa oyo, bana bakoyeba ndenge nini Nzambe amekaki bato pe po na nini Amekaki bango. Bana bakokola na posa ya kotosa Nzambe, pe bakokata eete bakotosa oyo nyonso Akoyebisa bango na Maloba na Ye.

🔍 Revisio ya baleso ewuti koleka—

Banzete ebele ezalaki na elanga ya Edeni, kasi nini ezalaki nzete moko oyo Nzambe alakisa kombo na yango? (Nzete boyebi bolamu na mabe)

❤ Verse ya koyekola:

[Leso oyo ezali te lokola baleso mosusu na sense oyo—Baverse mibale oyo ezali lokola base ya lesa, baverse wana oyo ezali pe baverse ya koyekola na motema.]

16 *Alobaki na moto boye : “Okoki kolia bambuma ya nzete nionso oyo ezali na kati ya elanga oyo,*

17 *Kasi okoki te kolia bambuma ya nzete oyo epesaka mayele po na koyeba makambo ya malamau na makambo ya mabe. Mokolo okolia yango, mokolo wana okokufa.” Ebandeli 2 :16-17*

🔊 Banzembo ezali kokende nzela moko na lesa:

Ee, Mokonzi, Ee
Soki Bozali Kolinga Ngai

➡ Kobanda Leso:

Nani amona poupée? Bana ebele balingaka kosakana na yango. [Moniteur, lakisa poupée soki okoki kozwa yango.] Nakoki kolinga poupée oyo, pe nakoki kokanisa lokola poupée wana ezali kolinga ngai pe. Kasi ya solo, ezali kolinga ngai te. Ekoki te kolinga nga, po ezali na motema te. Ezali na makanisi na yango moko te.

Nzambe akelaki biso bato te po tozala lokola bapoupée, kozanga makanisi, kozanga motema, kozanga lolenge ya kokata makambo to kopona

nini tokosala. Akelaki biso po tozala na makoki ya kopona soki tolingi pe kotosa Ye, to te.

Okoki kopesa mobeko na poupée? Te. Poupée ezali te na makoki ya kotosa mobeko. Kasi Nzambe apesaki mobeko na moto ya liboso, tata na biso nionso. Yoka nini esalamaki na histoire ya Biblia.

Mateya monene ya Lesa na biteni mibale--

8.1 Nzambe ayebisaki Adamu ete akoki kolia bambuma ya nzete nionso, longola kaka nzete moko.

📖 Tangela bana: Ebandeli 2:16

16 *Alobaki na moto boye: “Okoki kolia bambuma ya nzete wana ezali na elanga oyo...*

? Kotuna bana lolenge oyo--

Niveau Primaire:

- Nzambe apesaki mobeko na nani? (Na moto—moto ya liboso oyo Akelaki.)
- Bilei nini Nzambe apesaki moto na elanga?
(Bambuma ya nzete nionso ya elanga wana. Kaka moko Nzambe apekisaki.)
- Moto azalaki kofanda nzala, to azalaki na bilei ya kokoka? (Azalaki na nzala te. Azalaki na bambuma mingi ya malamau oyo akokaki kolia.)

Niveau Secondaire:

- Mbala mingi tozali kolaba makasi eteni ya suka ya mobeko Nzambe apesaki moto. Tolobaka mingi eteni oyo ekangaki bango nzela na kosala likambo moko. Kasi Nzambe abandaki na oyo bakokaki KOSALA. Po na nini? (Moniteur, yoka makanisi ya bana. Ekoki kolakisa ete mobeko na ye ezali pasi te, po Apesaki moto bambuma ebele ya malamau ya kolia.)
- Bato mingi bazali kokanisa ete Nzambe azali koboya makambo nionso oyo ezali kopesa esengo. Verse nini oyo ezali kolakisa makambo yango? (Nzambe

apesaki bango bambuma ebele kasi boyaki moke.)

👤 Bana basala bageste ezali kolakisa nini esalami:

Bana basala bageste ya lolenge Nzambe alakisaki moto banzete ya elanga oyo akoki kolia, pe moko oyo asengeli kolia te.

👤 Bana bayemba pe babina:

Nzambe alobaki na moto: Okoki kolia bambuma oyo nionso.
Matondi, Nzambe. Ozali malamumu!

8.2 Nzambe atiaki mobeko ya nzete kaka moko. Moto akoki te kolia mbuma ya nzete ya boyebi malamumu to mabe. Soki basali bongo etumbu – liwa!

📖 Tangela bana: Ebandeli 2:17

17 kasi okoki kolia te bambuma ya nzete oyo epesaka mayele po na koyeba makambo ya malamumu to ya mabe. Mokolo okolia yango, mokolo se wana kaka okokufa.

? Kotuna bana lolenge oyo--

Niveau Primaire:

- Nzambe apesaki nzela po na moto alia bambuma nionso ya elanga, ndenge na ndenge. Nini ezalaki nzete moko kaka Nzambe atiaki mobeko?

(Nzete ezali kopesa nzela po na koyeba makambo ya malamumu na makambo ya mabe)

Na nzete wana ya mobeko, nini Nzambe apekisaki na moto asala te? (Akoki te kolia mbuma ya nzete wana.)

[Moniteur, ezali na tina ete bana bamona ete Nzambe apekisaki bango KOLIA mbuma wana te. Oyo ezali na tina po na histoire mosusu tokomona na sima.]

- Nzambe ayebisaki moto nini ekosalama soki alie mbuma ya nzete wana?
(Akokufa kaka na mokolo wana. Ezali oyo tobengi consequence to makambo oyo elandaka oyo moto asali. Soki tosali likambo moko, likambo mosusu esengeli

kaka elanda.)

- Okanisi ete mobeko Nzambe apesaki na moto ezalaki makasi? (Te, po Nzambe apesaki moto bambuma ebele ya kolia, yango wana azalaki na tina ya mbuma wana te.)

Niveau Secondaire:

- Po na nini okanisi Nzambe amekaki moto lolenge oyo? (Moniteur, yoka makanisi ya bana, kasi tia molende po bayeba ete ezalaki po na kolakisa soki akotosa Ye. Soki atosaki, oyo ekolakisa Nzambe mokano na Ye.)
- Soki moto atindamaki to atindamaki te, elingaki kolakisa nini?

(Moniteur, yoka makanisi ya Nzambe, ebongo lakisa makambo oyo: Soki moto atindamaki, elingaki kolakisa ete alingaki Mokeli na ye mingi, elingaki kolakisa ete atosaki Maloba ya Nzambe, ete azalaki kopona pe kolanda oyo Nzambe ayebisaki ye. Kasi, soki atindamaki te, elingaki kolakisa ete alingaki Nzambe te, ete atosaki te pe andimaki te Maloba ya Nzambe. Elingaki kolakisa ete asengeli kopona, akolanda makanisi na ye moko kasi ya Nzambe te. Ekozala lokola azali kokanisa ete azali moto ya mayele koleka Nzambe. Oyo ezalaki komeka moko ya monene!)

👤 Bana basala bageste ezali kolakisa nini esalami:

Bana mibale basala théâtre ezali kolakisa ndenge Nzambe amekaki moto. Mwana moko asala lokola Nzambe pe mosusu lokola moto.

👤 Bana bayemba pe babina:

Bambuma ya nzete moko osengeli kolia te. Nzete moko kaka.

O moto, ee, yoka maloba oyo ya Nzambe, ee.

✝ Devoir po na bana oyo basibayebi Yesu:

Ndenge moto azali kotosa, ezali kolakisa mokano na ye po na Nzambe. Molimo ya Nzambe ezali kolakisa yo nini sik'oyo osengeli kotosa? Senga lisalisi na Ye na losambo, ebongo tosa na poso oyo

na wana Azali kosenga yo. Tango nionso, Nzambe alingi totosa Maloba na Ye. Sik'oyo, eteni nini ya Maloba ya Nzambe oyebi kasi ozali kotosa te? Osi obandi kotosa na poso oyo?

✝ Kobenga bana na Yesu:

Nzambe azali koluka mokano na yo. Boyokani kati nay o na Ye ekatani po na masumu nanyo. Kasi, soki obongami po na koyamba Ye lelo, Akoki

kozongisa Boyokani wana. Soki ozali na posa ya lisalisi na likambo wana, yaka kokutana na ngai na sima ya ecodim. Nakozala na esengo mingi ya kosolola na ye.

====

SUKA YA LESO 8

Leso 8



Nzambe amekaki baboti na biso ya liboso. Apesaki mobeko ete balia te na nzete moko.

**16 Alobaki na moto
boye : “Okoki kolia
bambuma ya nzete**

**nyonso wana ezali na
elanga oyo,
17 kasi okoki kolia te
bambuma ya nzete oyo
ezali kopesa nzela
koyeba makambo ya
malamu na ya mabe.
Mokolo okolia yango,
mokolo wana, ya solo
okokufa.”**

Ebandeli 2:16-17

Leso 9 Nzambe asalaki mwasi pe apesaki biso libala.

Ebandeli 2:18-25

Kosala liboso: Luka nzete to mokuwa ezali kolakisa mopanzi ya mobali.

🕒 Tina ya Leso:

Na suka ya lesa oyo, bana bakoyeba ete Nzambe asalaki biso mobali na mwasi, pe Ye moko apesaki biso libala oyo ya mobali moko na mwasi moko. Yango wana, mwana akotosa kimobali to bomwasi na ye, pe akotosa libala.

🔑 Kokanisa mateya ya baleso ewuti koleka:

Koloba lisusu verse ya koyekola, Ebandeli 1:27, oyo toyekolaki na Leso 4.

♥ Verse ya koyekola:

Ebongo Mokonzi Nzambe alobaki pe boye: “Ezali malamumu te moto afanda kaka ye moko. Nakosalela ye moto mosusu oyo akokana na ye po na kosalisa ye.” Ebandeli 2:18

👑 Nzembo ezali kokende nzela moko na lesa:

Nzambe Asalaka Bisu, Mobali na Mwasi

➡ Kobanda Leso:

Bana basala theatre ezali kolakisa moto oyo azali kolinga kosenga mwana-mwasi abala ye. Batambola esika moko, pe bazala na esengo ya mingi. Yebisa bana boye Nzambe apesaki biso bato likabo ya malamumu. Apesaka biso libala ya mobali na mwasi. Lelo tokomona ndenge nini Asalaki yango, pe po na nini Asalaki yango.

🏠 Mateya monene ya Lesa oyo na biteni minei-

9.1 Nzambe azwaki mokano ya kosala mosungi po na moto.

📖 Tangela bana: Ebandeli 2:18

[Oyo ezali ndenge moko lokola verse oyo bana bawuti koyekola na poso eleki.]

18 Ebongo Mokonzi Nzambe alobaki pe boye: “Ezali malamumu te ete moto afanda kaka ye moko. Nazali kosalela ye moto mosusu oyo akokokana na ye po na kosunga ye.”

? Kotuna bana lolenge oyo--

Niveau Primaire:

- Nzambe amonaki likambo nini ezalaki malamumu te na miso na Ye?
(Ezali malamumu te moto afanda kaka ye moko.)
- Nzambe alobaki Akosalanini po na likambo wana? (Akosalela ye moto mosusu oyo akokani na ye po na kosunga ye.)

Niveau Secondaire:

- Ndenge nini mwasi azali lokola mobali? (Ye pe azali moto, ye pe, Nzambe asalaki ye na elilingi ya Nzambe, lokola tomonaki na Ebandeli 1:27.
- Ndenge nini toye koyeba ete ezali malamumu kobalana, mobali na mwasi? (Nzambe alobaki boye ezali malamumu te moto awumela ye moko.)

👑 Bana basala bageste ezali kolakisa nini esalami:

Bana basala bageste. Mwana moko asala lokola Nzambe, moko lokola Adamu. Adamu azali komonana lokola azali na esengo te. Nzambe atala Adamu malamumu, ebongo Aloba maloba ya Ebandeli ch. 2 vs. 18.

👑 Bana bayemba pe babina:

Nzambe alobaki, Malamumu te
Moto afanda ye moko.

Nakosala mosungi Oyo
azali kokokana na ye.
Malamumu! Malamumu!

9.2 Nzambe amemaki baniama na Adamu po apesa bango bakombo. Kasi amonaka mosungi ten a kati na bango.

📖 Tangela bana: Ebandeli 2:19-20

19 Azwaki mabele moke, Asalaki baniama nionso na bandeke nionso. Ebongo amemaki bango epai ya moto po na kotala kombo nini moto akoki kopesa bango. Niama nionso, ndeke nionso azalaki kozwa kombo oyo moto azalaki kopesa.

20Ebongo moto apesaki bakombo na baniama nionso ya mboka na ya zamba, pe

na bandeke nionso. Kasi ye, moto mosusu lokola ye azalaki te po na kosunga ye.

? Kotuna bana lolenge oyo--

Niveau Primaire :

- Moto asalaki nini po na baniamama? (Apesaki bakombo na bango.)
- Na kati ya baniamama nionso, moto amonaki basungi boni oyo bazalaki lokola ye moto? (Ata moko te.)

Niveau Secondaire:

- Towuti kotanga ete Nzambe akati, ete Akosala mosungi po na moto. Ebongo, po na nini Amemaki baniamama epai ya moto liboso Asala moto mosungi wana?

(Moniteur, yoka makanisi ya bana. Biblia ezali kolakisa biso te po na nini Nzambe asalaki bongo, kasi mbala mosusu Alingaki ete Adamu ye moko akata ete na kati ya baniamama, mosungi azalaki te. Mbala mosusu Alingaki Adamu ayeba ete moto azalaki kokesana na baniamama. Mbala mosusu Alingaki Adamu azala na motema ya bolingo po mwasi oyo Nzambe akosala po na ye.)

👤 Bana basala bageste ezali kolakisa nini esalami:

Bana bakoki kosala theatre. Moko asala lokola Nzambe, azali komoma baniamama ya ndenge na ndenge na Adamu. (Banaoyo bazali kotala bakoki kosala lokola bazali baniamama ya ndenge na ndenge. Adamu apesa niama nionso kombo ebongi po na ye. Na sima, Nzambe atala baniamama nionso malamumu, koluka mosungi po na moto.

👤 Bana bayemba pe babina:

Nzambe atalaki niama nionso Nini ekozala mosungi
Ya malamumu po na Adamu.
Ata moko te. Ata moko te.

9.3 Nzambe asalelaki eteni ya nzoto ya mobali po Asala mwasi. Yango wana, Adamu ayaki koyeba ete mwasi akokani na ye.

📖 Tangela bana: Ebandeli 2:21-23

21 *Sik'oyo Mokonzi Nzambe akweyisaki*

moto na pongi ya makasi, alalaki. Nzambe alongolaki ye panzi moko, ebongo na esika wana, Akangisaki yango na mosuni.

22 *Na mopanzi wana oyo alongolaki na moto, Asalaki mwasi, ebongo Ayaki komema mwasi na moto."*

23 *Moto alobaki boye: "Oyo azali moto akokani na ngai.*

Awuti na mikuwa na ngai pe mosuni na ngai. Bakobanda koloba eete oyo mwasi, po awuti na mobali.

? Kotuna bana lolenge oyo--

Niveau Primaire:

- Nini ezali makambo mitano oyo Nzambe asalaki na baverse oyo?
 1. Apesaki mobali pongi ya makasi po alala.
 2. Alongolaki ye mopanzi moko. Azipaki mosuni na esika wana.
 3. Na mopanzi wana oyo Alongolaki na moto, Asalaki mwasi.
 4. Ayaki komema mwasi wana epai ya moto.

Niveau Secondaire:

- Nzambe asalaki moto ya mobali na nini? (Putulu ya mabele 2:7)
- Nzambe asalaki moto ya mwasi na nini? (Mopanzi ya mobali 2 :21-22)
- Lelo oyo, panzi moko ya mobali ezali kozonga?
(Te. Kaka bachangement ezali na bagenes ya moto ekobima na bana. Par exemple, ata nakati mosapi na ngai, nakobota te bana oyo ezali kozanga mosapi.)
- Po na nini tokanisi Nzambe aponaki kosala mwasi lolenge wana?
(Biblia alakisi biso te, kasi mbala mosusu esalisaki bango nyonso mibale kasi moko na libala. Mobali azali na posa ya mwasi pe mwasi azali na posa ya mobali.)
- Po na nini Nzambe amemaki mwasi epai ya mobali?
(Po na kolakisa ete Asali mwasi po na ye.)

- Tango mobali amonaka mwasi, alobaki nini?
(Oyo ezali moto akokani na ngai. Awuti na mikuwa na ngai pe mosuni na ngai. Bakoloba boye oyo mwasi, po awuti na mobali.)
- Basi boni Nzambe asalaki po na moto mobali?
(Moko kaka.)
- Oyo ekoki kolakisa biso nini po po na mokano ya Nzambe na libala? (Mokano na Ye ezalaki ete mobali moko na mwasi moko na libala—monogami, kasi polygami te.)
- Po na nini Nzambe asalaki te mobali mosusu po na kosalisa moto mobali?
(Bakozala na ndenge kobota te. Lisusu, ezali komonana ete mwasi azalaki kokokisa ye na ndenge ete mobali mosusu akoki kosala te.)
- Oyo ekoki kolakisa biso nini po na mokano ya Nzambe na libala? (Ezalaki kosangisa mobali na mwasi. Ezalaki te homosexual [kosangisa bagenre mibale oyo ezali ndenge moko—mobali na mobali to mwasi na mwasi.]
- Tango moto ya mobali amonaki mwasi liboso, nini okanisi ye akanisaki?
(Moniteur, yoka makanisi ya bana. Bayano ndenge na ndenge ezali possible—kokamwa, esengo, etc.)
- Nini Maloba ya moto ya mobali elakisi biso ete ayebaki ete mwasi akokani malamuna na ye?
(“Oyo ezali moto akokani na ngai. Awuti na mikuwa na ngai pe na misuni na ngai.”)

Bana basala bageste ezali kolakisa nini esalami:

Moniteur, okolakisa histoire oyo ndenge elekanaki, pe bana mosusu balakisa nini esalamaki kaka na bageste kozanga maloba. Salela nzete to mokuwa lokola mopanzi ya Adamu.

Bana bayemba pe babina:

Mwasi o, o, o, o, o...

Nzambe asalaki ye na mopanzi.

Na mopanzi ya mobali. A, a, a, a, a, a.

Bana basala bageste ezali kolakisa nini esalami:

Bana nionso basala bageste pe baloba Maloba oyo ezali kolakisa kokamwa pe esengo ya moto mobali, tango amonaki mwasi na ye mbala ya liboso.

Bana bayemba pe babina:

Oyo ewuti O-o La-la!

Na mikuwa na ngai! O-o La-la !

Mosuni na ngai! O-o La-la!

Kitoko MINGI ! O-o La-la !

9.4 Oyo libala ya liboso ekomaki patron po oyo elandaki yango.

Tangela bana: Ebandeli 2:25

24 Yango wana mobali akotika tata na ye na mama na ye, akokende kozangana na mwasi na ye ebongo bango mibale bakokoma moto moko.

25 Bango mibale mobali na mwasi bazaliki bolumbu, kasi bazalaki koyokana soni te.

? Kotuna bana lolenge oyo--

Niveau Primaire:

- Nini Nzambe alobaki ezalaki mokano na Ye po na mobali na mwasi na ye?
(Bakotika baboti na bango, bakosangana, bakokoma moto moko.)
- Bilamba nini mobali na mwasi na ye bazalaki kolata na tango wana, liboso masumu ekota na mokili?
(Eloko te. Bazalaki bolumbu.)
- Bazalaki koyokana soni tango bazalaki bolumbu bolumbu?
(Te. Na leso ezali koya, tokoyekola po na nini Nzambe asalelaki bango bilamba.)
- Bazalaki mobali na mwasi na ye ya libala. Bato mosusu bazalaki te oyo bakokaki komona bango?
(Nanu te. Bazalaki kaka bango moko.)

Niveau Secondaire:

- Nini ezali kotalisa biso ete na verse oyo Nzambe azali kolobela libala? (Moniteur, yoka makanisi ya bana. Biyano ekoki kozala ya ndenge na ndenge—Mobali ekotika baboti na ye, akosangana na mwasi na ye, bakokoma moto moko, etc.)
- Libala ezali nini? (Kosangana ya mobali moko na mwasi na ye lokola moto moko, kino suka na liwa.)
- Mobali oyo ya liboso na mwasi oyo ya liboso, bazalaki na baboti te, po Nzambe akelaki bango, pe bango nde bazalaki bato ya liboso na mokili oyo. Ebongo, po na nini Nzambe alobaki ete akotika tata na mama po bakende kosangana na mwasi na ye? (Azalaki koloba bongo kaka po na bango moko te, kasi po na biso nionso oyo tolandi bango, po Nzambe abandaki libala na tango wana.)
- Verse oyo elingi koloba boye biso bato tozali na tina ya bilamba te? (Te. Po oyo ezalaki mobali na mwasi na ye ya libala oyo bazalaki bolumbu bango na bango.)
- Lokola bazalaki na tina ya bilamba ten a tango wana, po na nini tozali na tina na yango lelo? (Moniteur, yoka makanisi ya bana. Bokeseni na kati ya situation na bango na biso lelo ezali mibale:
 1. Bato mosusu bazalaki te po na komona bango, kasi lelo bato mosusu bazali.
 2. Masumu ekotaki nanu ten a tango wana, kasi lelo masumu ekota na mokili, kobenda makanisi na posa ya mabe.

👤 Bana basala bageste ezali kolakisa nini esalami:

Bana basala theatre ezali kolakisa ndenge mobali na mwasi, na libota, na baninga basepeleka na tango ya libala, po na libota ya sika ewuti kobanda.

👤 Bana bayemba pe babina:

(Limbola ete maloba oyo ezali lokola elenge mobali akoki koloba na baboti na mokolo ya libala na ye)

Botikala malamumu, baboti ya bolingo
Matondi na nionso bosali po na nga.
Mbote! Mwasi na nga ya kitoko, ya bolingo
Lelo tokosangana tokomi moto moko.
O-o, O-o, O-o!

👤 Bana basala bageste ezali kolakisa nini esalami:

Bana nionso basala geste kobomba elongi na maboko na bango. Tango okoloba, “Bazalaki na soni te,” bango nionso balongola maboko po bakoka komonisa lisusu elongi.

👤 Bana bayemba pe babina:

Mobali na mwasi na ye,
bazalaki na soni te.

👤 Devoir po na baklisto:

Nzambe alingi bato na Ye batosa libala. (Po na Niveau Secondaire, bakisa likanisi oyo—pe kotosa sexualité na bango moko, kobomba yango kino tango ya libala.) Solola: Ndenge nini okoki kolakisa ete ozali kotosa libala? Niveau Secondaire bakisa: Ndenge nini okoi kotosa kimobali to bomwasi na yo?

✝ Kobenga bana na Yesu:

Nzambe akoki kopesa yo makasi ya kotosa libala. Ya solo, Akoki kopesa yo makasi ya kotindama na mibeko ne Ye nionso. Ezali Yesu Klisto oyo akoki kopesa biso makasi yango. Oyebi ya solo ete oyambi Yesu Klisto lokola Mobikisi pe Mokonzi na yo? Soki ozali sur te, okoki kokata makambo oyo lelo. Soki ozali na tina ya lisalisi, zela na sima ya kelasi po nakoki kosalisa yo.

===SUKA YA LESO 9

Leso 9



Nzambe asalaki mwasi na mopanzi ya Adamu. Amemaki ye na Adamu pe apesaki biso libala.

***Ebongo Mokonzi
Nzambe alobaki pe
boye:***

***“Ezali malamuna te ete
moto awumela kaka ye
moko.***

***Nakosalela ye moto
mosusu oyo akokani
na ye po na kosalisa
ye.”***

Ebandeli 2:18

Leso 10—Satana akosaki mwasi.

Ebandeli 3:1-5

Kosala liboso:

Kobanda Leso, okozala na tina ya molangi ya mayi ya bosoto pe ya solo, papier to elamba ya kitoko ezipi yango, fololo, na maske ya kitoko (ata ya papier).

☉ Tina ya Leso:

Na suka ya lesa oyo, bana bakoyeba ete Satana azali kolo lokuta. Bakoyeba ndenge nini Satana akosaki mama na biso ya liboso, pe bakomona ndenge akosala kaka bongo na biso lelo. Babanda komona mitambu ya Satana liboso bakweya na kati, liboso Satana akanga bango.

♥ Verse ya koyekola:

(Yesu boye,) *Tata na bino ezali Satana, bolingaka kosala makambo wana oyo tata na bino alingaka. Wuta na ebandeli kino sik'oyo, azali moto azali koboma bato. ...makambo ya solo ezalaka epai na ye te. Tango alobaka lokuta, lokuta wana ewutaka na motema na ye, po azali moto ya lokuta, pe tata ya lokuta. Yoane 8:44c*

👤 Nzembo ezali kokende nzela moko na lesa:

Soki Satana Aye

🔗 Revisio:

- Ndenge nini Nzambe asalaki mwasi ya liboso? (Na mopanzi ya mobali.)
- Mokano ya Nzambe ezalaki ete mobali azala basi boni? (Kaka moko. Nzambe asalelaki ye mwasi kaka moko.)

⇒ Kobanda Leso:

Bongisa theatre. Satana alati maske ya kitoko. Azali kosimba eloko moko ya kopola pe ya solo mabe—molangi ya mayi ya bosoto. Azipi eloko wana ya mabe na papier to na elamba ya kitoko pe fololo. Akosa bana ya classe. Aloba boye amemeli bango makabo ya malam, ya kitoko, makabo oyo ekopesa bango mayele. Ekokomisa bango kitoko koleka, pe bakowumela mingi. Atia molende kobenga bana bazwa yango.

Lelo tokotanga histoire ya nkolo moko ya lokuta.

🏠 Mateya monene ya Leso na biteni 3:

10.1 Nioka amekaki mwasi, koloba lokola Nzambe alingaki koboya kopesa bango eloko ya malam.

📖 Tangela bana: Ebandeli 3:1

Na kati ya baniama nionso oyo Mokonzi Nzambe asalaki, nioka ezalaki niama moko ya mayele koleka. Nioka ayaki kotuna mwasi boye: “Ezali ya solo, Nzambe ayebisaki bino ete bokolia te mbuma ya nzete nionso ezali na kati ya elanga?”

? Kotuna bana lolenge oyo--

Niveau Primaire :

- Na kati ya baniama, niama nini ezalaki mayele koleka na mikolo wana? (Nioka)
- Ndenge nini toyaki koyeba ete nioka oyo ezalaki te lokola banioka mosusu? (Nioka oyo ezalaki koloba, pe nioka oyo ayaki kokosa mwasi, komema ye na kosala mabe.)
- Nioka wana alobaki na nani? (Na mwasi, mama na biso nionso.)
- Nioka atunaki nini? (“Ya solo, Nzambe ayebisaki bino bolia te bambuma ya nzete nionso oyo ezali na kati ya elanga?”)
- Okanisi nini na motuna oyo ya nioka na makanisi ya mwasi? (Etiaki tembe na motema na ye.)

📖 Tangela bana Emoniseli 12:9 po na kolimbola nioko oyo azalaki:

9 Dragoni wana ya monene, babwakaki ye libanda. Ezali nioka wana ya kala, oyo bazalaki kobenga Satana; ye moto azali kokosa bato nionso. Babwakaki ye elongo na banzeli na ye na mokili.

? Tuna mituna oyo po na Emoniseli 12:9:

- Nani azalaki kosalela nzoto ya nioka po na kokosa mwasi? (Satana.)

Niveau Secondaire:

- Ndenge nini toyebi ete Nzambe asalaki pe milimo lokola banzeli?

(Satana asi azalaki na elanga, pe toyebi ete Nzambe akelaki biloko nionso. Emoniseli 12:9 ezali kolakisa biso pe ete Satana azalaki

anzelu na Ye.

Nzambe asalaki Satana na baanzelu nionso malamuni, po na kokumisa Ye. Kasi Satana alingaki te kotikala na esika Nzambe apesaki ye. Atommbokaki pe koboya Nzambe. Ndambu ya banzulu balandaki ye. Satana akomaki monguna ya Nzambe pe banzulu ya Nzambe bakomaki milimo ya mabe. Ezayi 14:1217, Ezekieli 28:3-10).



Tanga Bakolose 1:16 po na kolakisa ete Nzambe asalaki milimo to banzulu nionso, biloko nionso oyo tokoki komona te, lokola Asalaki pe biloko tokoki komona:

16 Po biloko nionso wana ezali na likolo pe wana ezali awa na se, biloko wana ezali komonana na wana ezali komonana te, banzulu wana bazali na makoki ya ndenge na ndenge, Nzambe asalaki wana nionso na lisalisi ya Klisto pe po na Klisto.

? Tuna mituna lokola oyo po na Bakolose 1:16:

- Nani asalaki biloko nionso oyo ezali komonana? (Tata Nzambi, na lisanga na Klisto)
- Nani asalaki baanzulu? (Tata Nzambe, na lisanga na Klisto)

? Tozongela kotuna po na Ebandeli 3:1:

- Nini ezali tina ya motuna ya Satana? (Ezali komonana ete Satana ayokaki Nzambe tango Apesaki mobeko wana na moto. Alingaki kolona tembe na makanisi ya mwasi, po andimela maloba ya Nzambe te.)
- Nioka atunaki, “YA SOLO, Nzambe ayebisaki bino...” Maloba oyo “Solo”, elingaki koloba nini? (Alingaki mwasi atia tembe na makambo ya solo ya Nzambe. Alingaki mwasi akanisa ete mbala mosusu Nzambe alobaki solo te, ete mbala mosusu akoki kotia motema na maloba na Ye te.)
- Okanisi nini na libunga ya liboso oyo mwasi asalaki? (Ayokelaki maloba ya Satana, oyo azali nkolo-lokuta. Satana azalaki koloba lokola Nzambe azali kokosa ye, kasi ye Satana azalaki moto monene ya lokuta.)
- Satana abalolaki maloba ya Nzambe moke. Tala lisusu na suka ya Ebandeli 3:1, pe lakisa nini abaluki. (Nzambe ayebisa boye bakoki

kolika bambuma nionso, kasi kaka mbuma ya nzete moko, bakolia yango te. Satana alobaki lokola Nzambe aboyi balia bambuma nionso.)



Bana basala bageste ezali kolakisa nini esalami:

Bana ya classe basala théâtre. Mwasi moko asala lokola Eve. Lisanga ya bana mosusu basala lokola Satana. Basimbana bango na bango lokola nioka ya molayi. Batambola lokola nioka, azali koloba boye: “Ssssss.” Bakoma na mwasi, ebongo baloba boye maloba ekosekisa, “Ezali ya SOOOLO Nzambe ayebisakibino eete bolia te bambuma ya nzete nionso ezali na kati ya elanga?” Mwasi ayokaki, ebongo abandaki kokanisa nini nioka awuti koloba. “Hmmmmmm...”



Bana bayemba pe babina:

Nioka alingaki oboya maloba ya Nzambe Ah, Mama na biso, eee.

Po na nini oyokeli nkolo-lokuta wana eeee?

10.2 Na eyano, mwasi abakisaki ndambu ya maloba ya Nzambe.



Tangela bana: Ebandeli 3:2-3

2 Mwasi ayanolaki boye: “Tokoki kolika bambuma ya banzete nionso ya elanga,

3 Kasi bambuma ya nzete oyo ezali na kati-kati ya elanga, tokoki kolika yango te. Po Nzambe alobelaki biso boye, tokoki kolika bambuma ya nzete wana te, tokoki kosimba yango pe te, soki te tokokufa.”



? Kotuna mituna lokola oyo:

Niveau Primaire:

- Nini ezalaki eyano ya mwasi na nioka? (“Tokoki kolika mbuma ya nzete nionso oyo ezali na kati ya elanga, kasi mbuma ya nzete wana ezali na kati-kati ya elanga, tokoki kolika yango te. Po Nzambe ayebisaki biso boye, tokoki kolika mbuma ya nzete wana te. Tokoki kosimba yango pe te, soki te tosengeli kokufa.”)
- Abakisaki eloko moko oyo Nzambe alobaki te. Nini yango? (Nzambe alobaki kaka boye bakoki kolika mbuma wana te. Mwasi abakisaki boye bakoki kosimba yango pe te,

kasi Nzambe alobaki bongo te.)

- Nzambe apesaki mobeko oyo na mobali liboso Asala mwasi. Kasi yango ezali komonana ete mobali ayebisaki mwasi na ye mobeko wana. Ndenge nini toyebi ete mwasi pe ayebaki yango? (Mwasi moto apesaki eyano na Satana, nini Nzambe alobaki.)

Niveau Secondaire :

- Baverse mosusu ya Biblia elakisi biso boye tokoki te kobalola Maloba na Ye—to koki kotia te to kobakisa te likolo na yango. Oyebi verse oyo ezali koloba bongo? (Deteronomi 4:2, Masese 30:6, Emoniseli 22:18. Ezali koloba yango. Mwana moko atanga verse oyo :

Deteronomi 4:2

Na Makambo oyo Nazali koyebisa bino, bokoki kobakisa to kolongola Makambo mosusu te...

- Mwasi asalaki malamumu na kobakisa maloba ya Nzambe? (Te. Alingaki koyoka pe kolanda kaka oyo Nzambe alobi. Tango abandaki kobalola maloba ya Nzambe, ata asalaki yango na makambo ya mike, apesaki Satana nzela.)

Bana basala bageste ezali kolakisa nini esalami:

Moniteur, oloba lisusu na bokuse ndenge Satana na mwasi bazalaki kosolola, ebongo bana basala bageste ezali kolakisa yango.

Bana bayemba pe babina:

Ah, mama na biso, eee.
Okokweya mosike te!
Osakani na Maloba ya Nzambe!”

10.3 Nioka ayebisaki Eve ete Nzambe akosi bango.

Tangela bana: Ebandeli 3:4-5--

4 Nioka boye: “Lokuta!” Bokokufa te.

5 Nzambe alobaki bongo po Ayebi ete mokolo bokolia yango, miso na bino akofungwama, bokokoma lokola Ye Nzambe, bokoyeba makambo ya malamumu na makambo ya mabe lokola Ye.

? **Kotuna bana lolenge oyo:**

Niveau Primaire:

- Nini ezalaki eyano ya nioka Satana na mwasi? (Lokuta! Bokokufa te.)
- Po na nini Satana alobaki ete Nzambe aboyi bolia mbuma ya nzete moko wana? (Satana alobaki boye Nzambe ayebaki ete baliaki yango, miso na bango ekofungwama pe bakokoma lokola Nzambe, koyeba makambo ya malamumu na ya mabe.)
- Makambo oyo ya Satana ayebisaki ezalaki ya solo? (Te. Azalaki koboya oyo Nzambe alobaki, pe azali nkolo-lokuta.)
- Satana alobaki ete Nzambe alobaki lokuta. Kasi ezalaki nani oyo alobaki lokuta? (Ye Satana.)
- Po na nini okanisi mwasi alingaki maloba oyo Satana alobaki? (Ayebisaki bango ete bakoki kokoma lokola Nzambe. Ayokaki yango lokola makambo moko ya malamumu.)

Niveau Secondaire:

- Ndenge nini okanisi Satana azalaki na esengo (audace) ya koboya Nzambe directement, lokola kobenga Ye nkolo-lokuta? (Moniteur, yoka makanisi ya bana ya classe. Na kati ya biyano possible ezali oyo: Satana azali monguna oyo alingi kobundisa Nzambe, oyo alingi koyiba lokumu na losambo ya Nzambe, kozwa yango ye moko. Kanisa lisusu ete Yesu alobaki boye Satana azali nkolo-lokuta.)
- Makanisi misato oyo Satana asalelaki po na kokosa mwasi ezalaki nini? (1. Miso na yo ekofungwama, 2. Okokoma lokola Nzambe, 3. Okoyeba makambo ya malamumu na makambo ya mabe.)
- Ndenge nini Satana asalelaki makanisi oyo misato po na kobenda biso lelo? (Moniteur, yoka makanisi ya bana.)

Bana basala bageste ezali kolakisa nini esalami:

Bana basala theatre ezali kolakisa ndenge Satana akosaki mwasi.

 Bana bayemba pe babina:

Nani azali lokuta?
Satana azali lokuta
Koleka bato nionso!

 **Devoir po na baoyo basibayeba Yesu:** Poso oyo, okomituna mituna oyo po na likanisi nionso ekokota na motema na yo: Likanisi oyo ezali kokende nzela moko na oyo nionso nayekoli na Maloba ya Nzambe? Soki ezali kokende te nzela moko, ekokoki kozala lokuta ya Satana?

 Kobenga bana oyo bayambi nanu Yesu te:

Mbala mosusu osi okweya na motambo ya Satana. Yesu Klisto kaka akoki kolongola yo. Soki oyebi ete ozali na tina ya Yesu lelo, zela ngai na sima ya kelasi. Nakozala na esengo ya kosambela elongo na yo po oyamba Yesu.

===SUKA YA LESO 10



Leso 10 Satana akosaki Mama Eva.

**Satana... Wuta na
ebandeli kino tango
oyo, azali moto**

abomaka bato...

**Makambo ya solo ezali
epai na ye te.**

**Tango azali koloba
lokuta,**

**lokuta wana ezali
kowuta na motema na
ye,**

**po azali nkolo-lokuta,
pe tata ya lokuta.**

Yoane 8 :44c

Leso 11 Baboti na biso ya liboso batindamaki te na Nzambe, yango wana bazwaki etumbu ya masumu na bango.

Ebandeli 3 :6-11

Kosala liboso: Mema mbuma moko ya kolia.

☉ Tina ya Leso:

Na suka ya leso oyo, bana bakoyeba ete bato bazali na tina mingi ya kobika, po biso nionso tosali masumu, biso nionso totindami te na Nzambe. Po na yango, tokomi mosika na Nzambe, pe etumbu po na yango ezali liwa ya libela. Yango wana, bakotia motema kaka na Yesu Klisto po na kobika. Na sima, bakobanda kosambela Nzambe ete bandeko mosusu pe babika.

♥ Verse ya koyekola: BaRoma 5:12

BaRoma 5:12: Masumu ekoti na mokili po na mabe ya moto moko oyo Adamu, ebongo masumu eye komame liwa. Yango wana, bato nionso bazali kokufa po bango nionso bazali kosala masumu.

🔊 Banzembo ezali kokende nzela moko na leso:

Kende na norde, kende na sudi
Yaka na Yesu Klisto

🔧 Revisio :

Nani ayaki epai na makanisi oyo ezalaki Nzambi te? (Nioka, oyo ezalaki ya solo Satana.)

➡ Kobanda Leso:

Lakisa histoire oyo: Libota moko akendaki kotala zamba national. Na zamba wana, libulu moko ya molayi ezalaki. Bana bazalaki kosakana, kotala kitoko ya zamba wana.

Kasi mama amonaki ete mwana moko azalaki kosakana penepene ya libulu wana— penepene mingi na yango. Amonaki ete

mwana azalaki na esika ya likama mingi. Mama amoni ete soki ameki koganga, pe mwana akobanga, akoki kobulungana. Akoki kokweya makasi. Mama alobaki na ye na mongongo moko ya kimia. “Mwana na ngai, yaka awa pene na ngai!”

Soki mwana atindamaki te, soki atambolaki na sima to mopanzi ata moke, mama ayebaki ete mwana asengeli akweya, asengeli kokufa. Mwana wana akotindama? Wana ezalaki motuna ya makasi. Kotindama ezali na tina mingi na tango wana, po mwana alingaki kokufa soki atindamaki te.

Na mokapo ya misato ya mokanda ya Ebandeli na Biblia, totangi histoire oyo ezali kolakisa tango baboti na biso ya liboso pe bazalaki na likama monene. Likama wana ezalaki kozanga kotindama. Lokola mwana pene ya libulu ya molayi, baboti na biso ya liboso bayebaki likama wana te. Bayebaki te etumbu ya monene esengeli kolanda bango na kozanga botosi. Esalamaki se lolenge wana:

🏠 Mateya monene ya Leso na biteni 3:

11.1 Mwasi azwaki mbuma ya nzete oyo Nzambe atiaki mobeko. Aliaki yango, pe apesaki mobali. Ye pe aliaki.

📖 Tangela bana: Ebandeli 3:6

*6 Mwasi amonaka eete nzete wana ezalaki kitoko. Bambuma na yango pe komonana kitoko na kolia. Akanisaki pe ete ekoki kopesa ye mayele. **Azwaki** mbuma moko ya nzete yango, **aliaki** yango. Ebongo **apesaki** pe mobali na ye, mobali pe aliaki yango.*

? Kotuna bana lolenge oyo:

Niveau Primaire:

- Mwasi amonaki ete nini ezalaki malamu na nini?
(Po na bilei. Abandaki kokanisa elengi na yango.)
- Ye pe amonaki ete nzete wana ezalaki kitoko na nini?

(Po na kotala na miso.)

- Ye pe amonaki ete nzete wana ezalaki malamuni na kosala nini? (Kopesa mayele)
- Azwaki makanisi wana wapi? (Na Satana)
- Ebongo, asalaki nini? (Abukaki mbuma pe aliaki yango.)
- Apesaki mbuma wana pe na nani? (Na mobali na ye)
- Mobaia na ye asalaki nini na mbuma wana? (Ye pe aliaki yango.)

Niveau Secondaire :

- Sens ya nzoto nini Satana asalelaki po na kobenda mwasi? (Komona.)
- Nani moto ya liboso kopesa makanisi ete bambuma oyo ezalaki malamuni po na kopesa mayele? (Satana. Na verse 5, totangi ete alobaki na mwasi, “mokolo bokolia yango, miso na bino ekofungwama, bokozala lokola Nzambe. Bokoyeba Makambo ya malamuni na ya mabe lokola Ye.”)
- Ndenge nini Satana asaleli sense ya komona po na kopengwisa biso lelo? (Moniteur, yoka makanisi ya bana. Biyano ekoki kozala ndenge na ndenge, lokola: kokanisa mabe soki tomoni mwasi ya kitoko to moto oyo alati na ndenge ya kolakisa nzoto na ye, kotala bafoto to basinema ya bato bazali kosala makambo sexuel, kotala basinema to tele ya mabe ya ndenge na ndenge, komona posa ya biloko ya moto mosusu, etc.)
- Po na nini ezalaki masumu na kolia mbuma wana? (Po batindamaki te na Nzambe.)

Bana basala bageste ezali kolakisa nini esalami:

Bana basi nionso na lisanga basala bageste lokola mwasi. Tala bambuma ya mobeko. Batala pe bazwa tango ebele ya

kokanisa. Bambuma ebendi bango koleka. Na suka balie, pe bapesa bana mibali. Bana mibali bazwa yango pe balia yango pe. Ebongo, na lisanga baganga boye, “A oyo! Tosumuki.”

Bana bayemba pe babina:

Yemba pe bina na masanga mibale. Lisanga moko ya bana bazali kosala lokola Nzambe. Bayemba na bana mosusu:

“Kolia te bambuma wana. Kolia te bambuma wana.”

Bana basi basimba mbuma pe balia. Bapesa bana mibali pe balia.

Tango bazali kolia, bana oyo bazali kolakisa Nzambe balakisa elongi ya mawa mingi. Babanda koyemba, Aii-yai-yaiiii!” Masumu-eee!” Lisusu pe lisusu.

11.2 Na sima ya bango koboma mobeko ya Nzambe, bayokaki soni pe somo.

Tangela bana: Ebandeli 3:7-8

7 Kaka na tango wana, miso na bango efungwamaki, ebongo bayaki koyeba ete bazali bolumbu. Bazwaki matiti ya nzete ya bafige, batongaki yango lokola elamba, ebongo balataki.

8 Na pokwa, tango bayokaki Nzambe azali kotambola na elanga, bakeyi kobabatama na kati ya banzete.

Kotuna bana lolenge oyo:

Niveau Primaire:

- Na sima baboyaki mobeko ya Nzambe pe baliaki bambuma oyo Nzambe atiaki mobeko, likambo nini elekaki noki? (Miso na bango efungwamaki.)
- Bayaki koyeba nini noki? (Bazalaki bolumbu.)
- Liboso ya moment wana, bayebaki nanu te ete bazalaki bolumbu?

(Bayebaki ete bazalaki bolumbu, kasi na sima ya masumu, bayokaki yango soni.)

- Bamonaki soni kotikala bolumbu. Yango wana basalaki nini po na kozipa nzoto na bango? (Eloko lokola elamba ya kolata na matiti ya nzete ya bafigue.)
- Na sima bango kolata elamba ya matiti wana, bayokaki ete nani azalaki kotambola na elanga? (Nzambe)
- Basalaki nini? (Babatamaki na kati ya banzete ya elanga.)
- Liboso bazalaki na esengo ya kotambola elongo na Nzambe na elanga. Po na nini balingaki te komona Ye na tango wana? (Bayaki koyeba ete babuki mobeko na Ye, ebongo bamonaki soni na miso na Ye.)

Niveau Secondaire:

- Bakanisaki ete soki balie mbuma ya mobeko, ekomemela bango makabo ya malamumu, kasi ememelaki bango nini? (Soni. Boyokani na bango na Nzambe ekomaki ya kokatana. Bazalaki lisusu na esengo te ya kotambola elongo na Nzambe.)
- Bazalaki komeka komibomba. Po na nini bazangaki makoki ya kosala yango?

(Bazalaki kobatama na kati ya banzete ya elanga. Kasi moto akoki kobatama liboso ya Nzambe te, po azali Nzambe!

Bana basala bageste ezali kolakisa nini esalami:

Sala théâtre na bana nionso na lisanga. Basala lokola bazala na mbuma na loboko. Baloba boye, “Mbuma oyo ezali epekisami.” Na

sima balia yango moke.

Noki, basala lokola bazali na somo.

Bakima, babanda koluka pe kobuka banzete.

Bameka komizipa na kati ya banzete na matiti. Na sima, basala lokola bazali koyoka moto azali kotambola pembeni. Bakima pe babatama.

Bana bayemba pe babina:

“Esengeli kozipa...esengeli kozipa...esengeli komizipa
Soni, o, soni

Esengeli kobatama...esengeli kobatama...esengeli kobatama
Soni, o, soni

11.3 Nzambe akomaki pembeni ya Adamu.

Tangela bana: Ebandeli 3:9-11

9 Mokonzi Nzambe abengaki mobali boye: “Ozali wapi?”

10 Mobali boye: “Nayoki yo tango ozali koya kotambola na elanga. Nayoki somo, yango wana nakimi yo po na zali bolumbu.

11 Nzambe atunaki ye boye: “Nani ayebisi yo ete ozali bolumbu? Oliaki bambuma ya nzete wana oyo Napekisaki yo ete okoki kolia yango te?”

Kotuna bana lolenge oyo:

Niveau Primaire:

- Tango mobali na mwasi bakendekei kobatama, nani abengaki bango? (Mokonzi Nzambe)
- Nzambe atunaki ye motuna nini? (Ozali wapi?)
- Okanisi po na nini Nzambe atunaki bango ndenge wana? Azalaki komona pasi ya kozanga komona

bango? (Te. Ayebaka makambo nionso, ebongo Ayebaki esika wapi bazalaki. Atunaki bongo po Alingaki moto akanisa malamumu pe andima makambo ezalaki.)

- Moto apesaki eyano nini epai ya Nzambe? (Nazalaki na somo, po nazalaki bolumbu, yango na kendeke kobatama.
- Liboso moto azalaki na somo ya bolumbu na ye? (Te. Liboso, azalaki bolumbu na mwasi na ye, pe bazalaki na somo te, soni pe te. 2:25.)
- Nini ekomaki sik'oyo po bakoma na soni? (Basumuki. Batosi te maloba ya Nzambe.)

Niveau Secondaire:

- Ezali komonana ete moto ayebaki maloba ya Nzambe tango alobaki yango? (Ee, ayebaki yango.)

Bana basala bageste ezali kolakisa nini esalami:

Bana basala theatre ezali kalakisa Nzambe azali koluka bato, na eyano na bango.

Bana bayemba pe babina:

Bana bayemba na ngambo mibale, moko ayemba lokola Nzambe pe moko moto:

Nzambe: Moto, oza wapi? Moto oza wapi?

Moto: Nazalaki kobombama.)

Nzambe: olie mbuma, mbuma wana ya mobeko?"

Moto: (Ayoki somo ya mingi lokola alingi asala crize ya motema.)
Soni! O, soni! O, soni! Mawa !

Devoir po na ba oyo basi

bayebi Yesu:

Sik'oyo, okoki kokundolela bandeko misato oyo bayebi Mokonzi Yesu liboso? (Bajeune bakoki kokoma bakombo na eteni ya papier. Soki papier ezali te, bakoki kokoma bakombo wana na mopepe na mosapi na bango po na sunga bato na kokundola. Okobanda lelo kosambela Nzambe mokolo nionso oyo bakoyoka sango ya Yesu, bakanga yango, pe bandima Yesu lokola Mobikisi?

Kobenga bana oyo nanu

bayamba Yesu te:

Biblia ezali koloba boye bato nionso baboyi kotosa Nzambe. Bato nyonso basali masumu. Yo, pe, osali masumu. Masumu wana ezali kokanga biso nzela ya kozala na Boyokani na Nzambe, ya kokota na mboka na Ye ya kitoko.

Nzela ya lobiko ezali kaka moko: nzela ya Yesu Klisto. Ozali na tina ya koyamba Mokonzi Yesu Kristo lokola Mobikisi pe Mokonzi. Soki oyamba Ye nanu te, kasi lelo olingi koyamba Ye, na sima ya ecodim, zela ngai wana (Moniteur, lakisa esika bana bakoki kokutana na yo.) Nakozala na esengo mingi ya kosalisa yo koya epai na Yesu lelo.

=====SUKA YA LESO 11



Leso 11 Baboti na biso batindamaki te na Nzambe. Baliaki mbuma ya nzete oyo Ayebisaki bango ete bakoki kolia yango te.

BaRoma 5:12

**Masumu ekoti na
mokili po na mabe ya
moto moko oyo
Adamu, ebongo
masumu ememi liwa.
Yango wana,
bato nionso bazali
kokufa po bango
nionso bazali kosala
masumu.**

Leso 12—Baboti na biso ya liboso bandimaki masumu na bango te, pe Nzambe apesaki bango etumbu.

Ebandeli 3:12-19

🕒 Tina ya Leso:

Na suka na lesa oyo, bana ya kelasi bakoyeba ete makambo ya pasi elandaka tango toboyi kotosa Nzambe. Ebongo bakotika masumu na bango pe bakoyamba ngolu ya Nzambe. Bakondima Yesu lokola Mobikisi na bango.

♥ Verse ya koyekola:

Bomoi na yo ekobonga te soki omeki kobomba masumu na yo.

Ndimba yango, bongola motema na yo, ebongo Nzambe akoyokela yo mawa. Masese 28:13

🔑 Banzembo ezali kokende nzela moko na lesa:

Ee, Mokonzi Ee
Soki Bolingaka Ngai

🔧 Revisio:

- Makambo moko nini ya mabe baboti na biso basalaka? (Bayokaki lokuta ya Satana, ebongo batindamaki te na Nzambe.)
- Ndenge nini bayokaki na motema, sima ya bango kosumuka? (Bayokaki soni liboso ya Nzambe.)

➡ Kobanda Leso:

Bana basala theatre ezali kolakisa mwana oyo atindamaka te na tata na ye, ebongo abandi kokanisa ndenge nini kobomba masumu na ye na koloba lokuta. Azali na mawa mingi, azali na kobanga ete tata akokanga ye, azali koyoka somo ya etumbu, azali koyoka soni mingi, etc.

Lokola mwana na theatre wana, baboti na biso ya liboso batindamaki te na Nzambe. Tosi totangi ndambu moke ya makambo ya mabe elandaki masumu na bango. Makambo yango ezali nini? (Bayokaki soni, pe bakendeki kobatama. Boyokani ya malamuna na Nzambe akatani. Ezaliki suka, to makambo mosusu ya mabe elandaki? Nzambe apesaki bango etumbu?

🏠 Mateya monene ya Leso na biteni 2:

12.1 Mobali na mwasi, bango mibale balobaki ete masumu na bango ezalaki faute ya moto mosusu.

📖 **Tangela bana:** *Ebandeli 3:12-13.*

12 Mobali boye: “Mwasi oyo Opesaki ngai, ye moto apesi ngai mbuma po nalia, yango wana naliaki yango.”

13 Mokonzi Nzambe atunaki mwasi boye: “Nini wana osali bongo? Mwasi boye: “Ezali nioka moto akosi ngai boye nalia yango.”

? Kotuna bana lokola oyo:

Niveau Primaire:

- Mobali apesaki faute na nani po na masumu na ye? (Na mwasi.)
- Mwasi apesaki faute na nani po na masumu na ye? (Na nioka.)
- Na suka ya makambo oyo, nani andimaki faute na ye moko? (Ata moto te.)
- Nani andimaka masumu pe asengaki bolimbisi epai ya Nzambe? (Moto moko te.)
- Ezali pe pasi po na biso lelo na kondima masumu na biso? (Ee, biso pe tozali kopesa faute noki na bato mosusu.)

Niveau Secondaire:

- Nzambe atunaki nani makambo wana? (Mobali na mwasi)
- Epai ya nani Nzambe atunaki makambo wana te? (Atunaki nioka eloko te.)
- Po na nini Atunaki nioka eloko te? (Mbala mosusu po Satana azalaki kosalela nioka, pe Satana azali nkolo-lokuta.)
- Mosisa ya masenginina wana ezalaki nani? (Satana.)

👨‍👩‍👧 Bana basala bageste ezali kolakisa nini esalami:

Bana minei (to bagroupe minei ya bana) basala lokola bazali Nzambe, mobali, mwasi, pe nioka. Nzambe atuna mituna, mobali apesa faute na mwasi, mwasi apesa faute na nioka,

pe nioka aloba kaka “sssssss.”



Bana bayemba pe babina:

Mobali boye, “Faute ya mwasi!”

Mwasi boye, “Faute ya nioka Satana!”

Bato nionso: “Faute na nga te. Faute ya moto mosusu.” (Balakisa misapi na direction nionso.)

12.2 Nzambe alakelaki nioka po azali komema bato na nzela ya mabe.



Tangela bana: Ebandeli 3:14

14 Sik’oyo, Mokonzi Nzambe alobaki na nioka boye: “Na kati ya baniama nionso, yo moko kaka okozwa etumbu po na makambo oyo osali.

Nazali kolakela yo lolenge oyo: Kobanda lelo kino kuna okobanda kotambola na libumu na mabele, okobanda kolia mabele mikolo nionso na bomoi na yo.



Kotuna bana lolenge oyo--

Niveau Primaire:

- Mokonzi Nzambe azali koloba na nani? (Na nioka Satana)
- Po na nini Nzambe apesaki etumbu na nioka? (Po atindaki mwasi kosala masumu.)
- Nini Nzambe asalaki na nioka wana? (Alakelaki nioka Satana wana mabe.)
- Ndenge nini Nzambe abongolaki ndenge ya kotambola ya nioka? (Esengeli atambola na libumu na mabele kobanda mokolo wana.)
- Nioka wana esengeli alia nini? (Mabele. Oyo ezali kolakisa ete akweyaka, pe Nzambe alongaki.)



Bana basala bageste ezali kolakisa nini esalami:

Lakisa loboko ya kotelema kolakisa ndenge nioka azalaki kotambola liboso. Kitisa yango na se kolakisa ndenge asengeli kotambola na sima ya kolakelama ya Nzambe.



Bana bayemba pe babina:

Nioka Satana, olakelami!

Tambola na libumu! Tambola!

Tambola!

Nzambe alongi yo! Kende kolia putulu ya mabele!

Olongi te, te, te.



Devoir po na bana oyo basibayeba Yesu:

Makambo ya mabe, ya pasi elandaki masumu ya baboti na biso ya liboso. Baboti balingaki kopesa baraison na bango, kasi Nzambe andimaki ata moko te.

Makambo ya mabe, ya pasi ezali kolanda masumu tango nionso. Ata oyamba Yesu lokola Mobikisi na yo, mbala mosusu Nzambe azali koyebisa yo likambo moko ya mabe oyo okobi kosala. Kozela te tango masumu wana ekomonana na miso ya bato. Ndimasumu wana na miso ya Nzambe sik’oyo. Senge bolimbisi na Ye, pe senge lisalisi na Ye po otika yango.



Kobenga bana oyo nanu bayamba Yesu te:

Kasi yo, mbala mosusu oyamba nanu Yesu te. Bisio nionso tosali masumu, lokola Biblia ezali koloba na BaRoma 3:23. Osali pe masumu. Yesu ayaki na mokili, pe Akufaki po na kofuta etumbu ya masumu na yo. Atelamaki na liwa, pe Azali na bomoi lelo. Azali esika moko na Tata na Ye na likolo, pe Akoyoka soki obengi kombo na Ye. Okoyamba Ye lelo lokola Mobikisi na yo?

==SUKA YA LESO 12



Leso 12 Nzambe alakelaki nioka po etambola na libumu.

**Bomoi na yo
ekobonga te soki
omeki kobomba
masumu na yo.**

**Ndimba yango,
bongola motema na
yo,
ebongo Nzambe
akoyokela yo mawa.**

Masese 28:13

Leso 13 Nzambe alakaki kotinda Mobikisi.

Ebandeli 3:15

Moniteur, NB: Ebandeli 3:15 ezali verse ya tina mingi, pe biloko ebele ya tina ezali na kati na yango. Ebongo, tokokanisa yango malembe-malembe. Ata ezali verse moko kaka, tokokata yango na biteni minei. Na sima, tokoleka liboso moke kokanisa baverse 20 na 21, ebongo tokozongela na verse 16 na poso ezali koya, na Leso 14.

Kobongisa liboso:

Dessiner foto ya mobali, ya mwasi, na ya nioka. Okosalela bafoto oyo ya Revisio.

🕒 Tina ya Leso:

Na suka ya lesa oyo, bana bakoyeba ete na mikolo ya kala-kala, Nzambe alakaki ete Mobikisi akoya, Akowuta se na mwasi, kasi na mobali te. Nzambe akokisaki elaka oyo na Yesu Klisto. Abotamaki na mwasi oyo ayebaki nanu mobali te, pe Tata na Ye azalaki Tata Nzambe Ye moko, moto te. Ebongo, bana oyo bayebi nanu Yesu te, bakondima Ye lokola Mobikisi na bango. Baoyo bayebi Ye, bakotia molende na kosambela po na bandeko oyo babiki nanu te.

♥ Verse ya koyekola:

Kasi tango mokolo wana oyo Nzambe atiaki ekokaki, Nzambe atindaki Mwana na Ye, wana abotamaki na mwasi...” BaGalati 4:4

🔊 Banzembo ezali kokende nzela moko na lesa:

Kende Nordi, Kende Sudi
Yaka na Yesu Klisto

🔧 Revisio:

Lakisa bafoto 3 to dessiner yango na tableau to na mabele—Foto ya mobali, mwasi, na nioka. Etumbu nini elandaki po na nionso wana lokola ya masumu basalaki? (Nzambe alakelaki mabele, ebongo mosala ya mobali ekomaki pasi koleka. Mwasi pe akomona pasi ya koleka na kobota bana pe mobali akokonza likolo na ye. Nioka akotambola na libumu pe akolia putulu ya mabele.)

➡ Kobanda Leso:

Mbala mingi toyokaka ete Nzambe alaki kala ete Mobikisi akoya. Tango boni Nzambe apesaki na elaka wana?

Lelo oyo tokoyekola ndenge nini Nzambe alakaki koya ya Mobikisi. Oyo ezali na tina mingi, ebongo, yoka malamumu.

🏠 Mateya monene ya Leso na biteni 4:

13.1 Nzambe ayebisaki nioka ete Akokotisa bonguna na kati na ye na mwasi, pe na kati ya bakitani ya Satana na bakitani ya mwasi.

📖 Tangelana bana: Ebandeli 3:15

Yo nioka na mwasi, Nazali kokomisa bino banguna.....monguna wana ekozala na kati ya bakitani ya mwasi na bakitani na yo.

? Kotuna bana lolenge oyo—Niveaux

Nionso:

- Nzambe alobaki boye Akosala nini na kati ya nioka na mwasi? (Akokomisa bango banguna.)
- Nzambe alobaki boye Akokomisa nani lisusu banguna? (Bakitani ya mwasi na bakitani ya nioka Satana).
- Yo na ngai, biso bato tozali bana ya mwasi **na mobali**. Bomo na biso ebandaka tango nkona ya mwasi ekangamaki na nkona ya mobali. Ezali bongo te? (Ee, bongo.)
- Na histoire nionso, moto abotamaki azalaki **kaka** mwana abotami na mwasi, kasi mwana oyo abotami mobali te? Moto oyo azalaki **kaka** nkona ya mwasi? (Ee, soki tondimeli Biblia, Yesu Klisto abotamaki na mwasi, Mama Maria, oyo ayebaki nanu mobali te.)

🏠 Bana basala bageste ezali kolakisa nini esalami:

Tia bana ya kelasi na bangambo mibale. Moko ezali lokola nioka pe mosusu ezali lokola mwasi. Yo moko osala lokola Nzambe. Sala lokola ozali kobwakela bango ballon ya monene, pe oganga, “Nazali kokomisa bino banguna!” Ebongo bagroupe mibale babanda kosala lokola bazali banguna. [Kasi bakoki kobunda te kosimbana na nzoto. Bakoki kosala bageste pe kolakisa elongi ya mabe kaka.]

☞ Bana bayemba pe babina:

Yo, nioka, Satana (Bana balakisa loboko moko.)

Yo mwasi, a, a, a (Bana balakisa loboko mosusu.)

Bokomi banguna. (Bana basala geste lokola balingi babunda.)

13.2 Nzambe akokotisa koyinana kati ya Satana na mwasi.

📖 **Tangela bana:** *Ebandeli 3:15b*

...bakitani ya mwasi na bakitani na yo, bakoyinana....

? Kotuna bana lolenge oyo—

Niveaux nionso:

- Nzambe alobaki boye Akokomisa nani banguna lisusu? (Bakitani ya mwasi na bakitani ya nioka Satana).
- Yo na ngai, biso bato tozali bana ya mwasi **na mobali**. Bomo na biso ebandaka na tango mboto ya mwasi eyaki kokutana na mboto ya mobali. Ebongo tozali na mama ya bomoto na tata ya bomoto. Ezali bongo te? (Ee, bongo.)
- Na histoire nionso, moto oyo abotamaki azalaki **kaka** mwana oyo abotami na mwasi, kasi mwana oyo abotami na mobali te? Moto oyo azalaki **kaka** na mboto ya mwasi? (Ee, soki tozali kondima Biblia, Yesu Klisto abotamaki na mwasi, Mama Maria, oyo ayebi mobali liboso te.)
- Biblia esaleli verbe nini awa elakisi makanisi ya nioka po na mwasi? (Bakoyinana. Oyo ezali liloba moko ya makasi ete koyinana ya makasi ekoba kolanda na kati na bango.)

👥 Bana basala bageste ezali kolakisa nini esalami:

Yebisa mwana moko azala Yesu, mboto to mokitani ya mwasi, pe mosusu azala mboto to mokitani ya Satana. Yesu akotelema kaka, loboko ya kofungwama na bolingo.

Kasi bana ya Satana, bakolakisa koyinana makasi na Yesu.

☞ Bana bayemba pe babina:

Motikani ya Satana

Bakolinga Yesu te!

Koyinana na bango ekozala makasi!

13.3 Mokitani ya mwasi Yesu Mesiya akoniata motu ya Satana. Akosilisa makasi na ye.

📖 **Tangela bana:** *Ebandeli 3:15c*

...Akoniata yo na motu...

? Kotuna mituna lolenge oyo—

Niveaux nionso:

- Mokitani ya mwasi (Yesu Mesia) akosala nini na nioka Satana? (Akoniata ye na motu.)
- Tango nini omonaki ete Yesu aniatiki motu ya Satana? (Tango Akufaki pe asekwi.)
- Soki moto aniatiki motu ya nioka, ekokufa? (Ee, ekokufa.)
- Oyo elingi kolakisa ete tango Yesu Mesia akoya, Akosala nini na Satana? (Akosilisa makasi ya Satana.)

👥 Bana basala bageste ezali kolakisa nini esalami:

Sik'oyo bana basala lokola bazali Yesu. Basala bageste lokola Satana azali nioka na se ya makolo na bango. Baniata motu na ye makasi. Tango bakoniata yango, baganga boye, "Yesu akufi na esika na biso! Yesu asekwi! Makasi na yo Satana esili!"

☞ Bana bayemba pe babina:

Yoka, Satana!" (Lakisa mosapi.)

Yesu akoniata motu na yo!

Yoka, Satana!

Yesu akosilisa makasi na yo.

Akolonga yo, O yea!

13.4 Satana akoswa mokitani ya mwasi, Yesu Mesiya, na lokolo.

 **Tangela bana:** *Ebandeli 3:15d*

...ebongo okoswa Ye na lokolo."

? Kotuna bana lolenge oyo --

Niveau Primaire:

- Nani azali koloba na nani na verse oyo? (Nzambe azali koloba na nioka Satana.)
- Satana pe akosala eloko moko na Yesu. Akosala nini ?
(Satana akoswa Yesu na lokolo.)
- Soki moto aniati yo na lokolo, ekopesa yo pasi mingi. Yesu amonaki pasi likolo ya kuruze? (Ee, mingi.)
- Soki moto aniati yo na lokolo, ekoki koboma yo? (Te. Ekopesa yo pasi, kasi ekoki koboma moto te.)

Niveau Secondaire:

- Verse 15 ezali kopesa elaka nini po na Mobikisi? (Akobotama pe kokitana na mwasi kaka, Satana akopesa Ye pasi mingi, kasi Satana akosilisa Ye te. Ye Mesiya nde akosilisa makasi ya Satana.)

 **Bana basala bageste ezali kolakisa nini esalami:**

Bana nionso na lisanga basala lokola bazali Nzambe azali koloba na nioka Satana. Bazali kolobela ye na tina ya Yesu. Balakisa ye liboko pe baloba, (phrase na phrase, na sima na yo :)

“Yo Satana akoniata lokolo ya Mesiya.

Okokoka te koniata motu ya Mesiya, Satana—kaka lokolo na Ye!

Okopesa Ye pasi, Satana, kasi okosilisa ye te. Akosilisa yo, Satana!

Akoniata motu nayo pe akosilisa makasi na yo nionso. Ha! Ha! Ha!

 **Bana bayemba pe babina:**

Satana akoniata lokolo ya Yesu Ai-yai!
Kasi Yesu akosilisa ye! Mm. Mm.

 **Devoir po ba oyo basibayebi Yesu:**

Nzambe alakaki na elanga ya Edeni ete Akotinda Mobikisi, pe Mobikisi wana akobotama na mwasi, kasi kozanga mobali. Nzambe akokisaki elaka wana tango Atindaki Yesu Klisto, mwana na Ye moko, na mokili na biso.


Soki oyebi Yesu lokola Mobikisi na yo, okoki kosambela ete bato mosusu bayamba Ye pe? Sik’awa, meka kokanisa bakombo ya baninga to bandeko oyo bayamba nanu Yesu te. Sambela sik’oyo ete bakobika, okokoba kaka kotia bango na mabondeli. (Moniteur, sambela po na ba oyo bayebi Yesu nanu te na esika bazali kofanda.)

 **Kobenga bana oyo bayamba Yesu nnanu te:**

Kasi yo moko, osi oyamba Yesu? Osi oyeba malamu ete okotiela Ye motema lokola Mobikisi na yo? Yesu alapi, “moto nionso oyo akoya epai na Ngai, Nakoboya ye te” (Yoane 6:37b).

Soki ya solo oyebi te ete oyamba Ye, okoki kokutana na ngai na sima ya ecodim lelo? (Moniteur, lakisa esika oyo bana bakoki kokutana na yo. Na sima ya ecodim, yo moko okanisa kokenda kuna po na kokutana na bana balingi koyamba Yesu.)


===SUKA YA LESO 13



Leso 13 Ndambe alakaki kotinda Mesia-Mobikisi wana akosilisa makasi ya Satana.

Leso 13

**Kasi tango mokolo
wana ya Nzambe atiaki
ekokaki, Nzambe
atindaki Mwana na Ye,**



**wana abotamaki na
mwasi...”**

BaGalatia 4:4

Leso 14 Masumu ebebisaki mokili nionso.

Ebandeli 3:16-20

Kosala liboso: Mema molangi ya zelo na mwa banzube to matiti mosusu ya mabe.

🎯 Tina ya Leso:

Na suka ya lesa oyo, bana bakoyeba ete masumu ezali komema Makambo ya pasi mingi na bomoi na bango mobimba. Masumu ya baboti na biso ya liboso ebebisaki mokili mobimba.

♥ Verse ya koyekola:

Bato mosusu bazali komilukela pasi na Makambo na bango ya bozoba, kasi na sima bazali kokangela Mokonzi Nzambe kanda. Masese 19:3

🔊 Nzembo ezali kokende nzela moko na lesa:

Masumu Ezali Kobebisa

🔧 Revisio:

Na poso ewuti koleka, toyekolaki elaka moko ya tina koleka po na Mobikisi oyo Nzambe alakaki akoya. Ezali nini wana? (Akozala mokitani to mwana oyo akobotama na mwasi kaka.

Akobotama na libumu ya mwasi oyo ayebi nanu mobali te.) Mobikisi wana akosala nini na nioka Satana? (Akoniata motu na ye po na kosilisa makasi na ye.)

➡ Kobanda Leso:

Bana mibale basala théâtre. Bazali kosolola bapasi na mabe na basango ya mokolo wana. Babanda kotanga mabe mingi ya mokili oyo. Moko na kati na bango abanda koyima-yima ete Nzambe moto apesi biso bapasi oyo, po Ye moto asalaki mokili oyo ya mabe. Mwana mosusu aloba boye mabe eye po na biso bato tokati na ndenge moko ya mabe. Na sima ya theatre, tuna bana mituna oyo:

➤ Nzambi asalaki mokili oyo mabe? (Te. Sik'oyo ezali mabe, kasi na ebandeli, Nzambe asalaki yango malamu.)

Biblia ezali kolakisa biso ndenge nini Nzambe asalaki mokili oyo malamu. Ezali kolakisa biso pe ndenge nini masumu ebebisaki yango. Lelo tolingi koyekola ndenge nini masumu ebebisaki mokili na biso oyo. Tobanda na mokanda ya Ebandeli 3:16.

🏠 Mateya monene ya Leso na biteni 4:

14.1 Nzambe apesaki mwasi etumbu po na masumu na ye.

📖 Tangela bana: Ebandeli 3:16

16 Ebongo Nzambe alobaki na mwasi boye: “Okobanda komona pasi mingi tango ozali na zemi, okobanda komona pasi mingi na tango okobota. Kasi yeba ete okobanda kaka kozala na tina ya mobali na yo, ebongo akokonza yo.”

? Kotuna bana lolenge oyo--

Niveau Primaire:

- Awa Nzambe azali koloba na nani? (Na mwasi)
- Mwasi akomona pasi na tango nini? (Tango akozala na zemi pe na tango ya kobota)
- Mwasi akofanda na tina ya nani? (Mobali na ye)
- Nani akokamba libota? (Mobali)

👨‍👩‍👧 Bana basala bageste ezali kolakisa nini esalami:

Pona bana misato. Moko azali kosala lokola Nzambe. Akolakisa mwasi bapasi akomona po na masumu na ye.

Mwana ya mibale azali mwasi. Na sima “Nzambe” alobaki na ye, akobanda kolela lokola pasi ya kobota.

Ya misato azali mobali. Na sima Nzambe alobaki boye mobali akokonza mwasi, akokanga signe oyo ezali koloba “Mokambi ya libota.”

🔊 Bana bayemba pe babina:

Ah, mwasi!

Masumu ememeli yo pasi

Pasi mingi O, o, o, o!

14.2 Nzambe apesaki Adamu etumbu po na masumu na ye.

📖 Tangela bana: Ebandeli 3 :17--19a

17 Nzambe alobaki na mobali pe boye: “Oyokelaki mwasi na yo, yango wana

*oliaki mbuma ya nzete wana oyo
Nayebisaki yo ete okoki kolia yango te.
Nalakeli mabele mobimba po na makambo
oyo osali. Na bomoi na yo nionso okomona
pasi na kobalola mabele po epesa yo bilei
ya kokoka.*

*18 Mabele ekopesa yo mwa banzete na
matiti ya banzube. Okolia makasa ya
zamba.*

*19 Po na kozwa bilei akobimisa
motoki...*

? Kotuna bana lolenge oyo--

Niveau Primaire:

- Nzambe azali koloba na nani? (Na mobali)
- Po na nini mobali azali kozwa etumbu? (Po ayokaki Maloba ya mwasi na ye koleka Maloba ya Nzambe)
- Nzambe alakelaki nini po na masumu ya mobali? (Mabele mobimba)

Niveau Secondaire:

- Ndenge nini elakeli mabe ya Nzambe ebongolaki mabele lolenge mosusu? (Ekomaki pasi koleka na kobalola mabele to kosala bilanga, pe mabele ebandaki kobota banzube na matiti mosusu ya mabe.)
- Banzube ezalaki na matiti epesaki pasi, oyo moto akolinga te na elanga na ye. Bato ya lelo bazali kobunda na matiti nini ya mabe lolenge wana?
(Moniteur, yoka biyano. Bana bakoki koloba matiti nini wana ezali kopesa pasi soki moto asimbi yango, matiti ya poison, matiti oyo kokola mingi-mingi na ya kokanga matiti mosusu ya malam, etc.)
- Kanisa phrase “okobima motoki.”
Mosala na kati ya jardin ezalaki lipamboli ya Nzambe apesaki bango banda ebandeli. Bokeseni nini ezali na mosala wana na sima ya Nzambe alakela mabele mabe?
(Matiti ebalukaki na ndenge ete esengaki mosala ya makasi koleka po bilei ekola.)

🏠 Bana basala bageste ezali kolakisa nini esalami:

Mema banzube to banzete mosusu ya mabe. Bomba yango na se ya mesa. Bana basala theatre. Mwana moko asala lokola Nzambe. Atangi bitumbu oyo Nzambe apesaki mobali po na masumu na yandi.

Tango alobaki boye, “Nazali kolakela mabele mobimba mabe po na makambo oyo osali, bana mosusu babimisa banzube wana. Bana mosusu basala bageste lokola basali kosala makasi, pe bazali kopangusa motoki na bango po na mosala wana bazali kosala.

👤 Bana bayemba pe babina:

O, moto!
Mabele elakelami po na mabe na yo,
Mosala na yo ekokoma makasi-maksi
O, O, o!

14.3 Bitumbu oyo akolanda kino bomoi mobimba, pe na suka na yango ekozala liwa ya nzoto.

📖 Tangela bana: Ebandeli 3 :19b

*Kino na suka okozonga na mabele oyo
Nasalaki yo. Po ozali mabele, okozonga pe
na mabele.*

? Kotuna bana lolenge oyo--

Niveau Primaire:

- Moto oyo azalaki koloba azali kaka kolanda lisusu. Nani wana azali koloba? (Nzambe)
- Azali koloba na nani? (Na moto, mobali.)
- Na verse oyo, Nzambe azali kolimbola likambo moko ya sika oyo esalama nanu te na mokili. Azali koloba ezali nini? (Liwa ya nzoto.)
- Liwa ezali kolanda nini? (Masumu)
- Tango nzoto ya Adamu ekufaki, nzoto na ye ezungaki wapi? (Na mabele.)

Niveau Secondaire:

- Nini Nzambe alingi koloba tango Alobi boye, “ozali mabele?”
(Nzambe asalaki moto na mabele -

Ebandeli 2:7. Yango wana, tango tokokufa, nzoto na biso akozonga na mabele.)

🏠 Bana basala bageste ezali kolakisa nini esalami:

Mema molangi ya zelo. Mwana moko atanga bitumbu ya masumu, 3:19. Tango akotanga, “ozali mabele,” tia ndambu ya zelo na liboko ya mwana nionso. Basimba yango. Na sima, bango nionso baloba “okozonga pe na mabele”, pe babwaka zelo wana na mabele.”

👤 Bana bayemba pe babina:

Ai, moto!
Masumu ememi liwa!
Mawa, mawa!

14.4 Adamu abengaki mwasi na ye Eva, po asengeli akoma mama ya bato nionso.

📖 Tangela bana: Ebandeli 3 :20

20 Adamu apesaki mwasi na ye kombo Eva po azali mama ya bato nionso.

? Kotuna bana lolenge oyo—

Niveau nionso:

- Kombo nini ya mobali ya liboso oyo Nzambe asalaki? (Adamu)
- Kombo nini Adamu abengaki mwasi na ye? (Eva.)
- Kombo wana elakisi nini? (Mama ya bato nionso.)
- Na kati ya bato na mokili lelo, bato boni babimi na Adamu na Eva? (Biso nionso, bato nionso ya mabota nionso, pe ya bikolo nionso.)

🏠 Bana basala bageste ezali kolakisa nini esalami:

Bana basala theatre. Bana basi nionso basala lokola Eva. Batuna, “Kombo nini okobenga nga?

Mibali nionso basala lokola Adamu. Bazongisa boye, “Eva, mama ya bato nionso.”

👤 Bana bayemba pe babina:

Adamu abengaki mwasi na ye Mama
Eva
Mama ya bato nionso
Mama na bi-iso! Mm

👤 Devoir po na ba oyo basibayeba Yesu:

Bokanisa bana oyo bazalaki kobunda na ebandeli ya leso na biso? Moko azalaki kopesa faute na Nzambe po na mabe nionso ya mokili na biso lelo.

Tomoni ete Nzambe asalaki mokili na biso malamumu, pe ete Asalaki bato malamumu koleka. Ebongo, ndenge nini ya solo mabe na biso ebandaki?

Mokili ezali kobeba po baboti na biso ya liboso basalaki masumu. Lelo, mokili ezali kobeba mingi po na masumu ya bato. Ata zelo ya mabele yango moko ezali ya kolokama po na masumu.

Soki oyoki moto apesi faute epai na Nzambe po mokili ezali ya kobeba, kokundolela ye ndenge Nzambe asalaki mokili malamumu. Ezali biso bato tobebisi yango, po toboyaki kolanda nzela ya Nzambe.

✝ Kobenga bana bayamba Yesu:

Masumu ebebisi bomoi na yo, pe. Kasi Yesu akoki kobongisa yango lisusu. Yesu akoki kolimbisa masumu na yo nionso. Akoki kopesa motema ya kitoko.

Bomoi ekoki kozala na pasi, po towumeli na mokili oyo ezali ya kolokama. Kasi Yesu akoki kozongisa boyokani kati na yo na Nzambe.

Soki oyamba nanu Yesu te lokola Mobikisi na yo, okoki kobongola motema pe koyamba Ye lelo? Tango oyambi Ye, Akopesa yo bomoi ya sika na Ye.

Soki olingi koyamba Yesu lelo, kende kuna (lakisa ye esika olingi bokutana), pe nakoya kosolola na yo.

===SUKA YA LESO 14



Leso 14—Bomoi ekomaki pasi po masumu ebebisaki mokili mobimba.

Leso 14



**Bato mosusu
bazali
komilukela
bapasi na
makambo na
bango ya**

**bozoba,
*kasi na sima bazali
kokangela Mokonzi
Nzambe kanda.***

Masese 19:3

Leso 15—Nzambe alakisaki bato ndenge nini bakosongisa boyokani na Ye.

Ebandeli 3:21 --24

Kosala liboso: Koma bacarte misato: Moko eloba boye, “Tata Nzambe,” ya mibale boye

“Mwana-Nzambe,” ya misato boye, “Nzambe Molimo Santo.”

🕒 Tina ya Leso:

Na suka ya lesa oyo, bana ya kelasi bakoyeba ete boyokani na biso na Nzambe ebukanaki po na masumu, kasi Nzambe apesaki nzela oyo tokoki koya kozonga epai na Ye. Nzela wana ezalaki kopesa makabo ya makila ya niama ya malamumu oyo asala mabe te.

Yesu apesaki makabo ya makila ya kitoko ya kokoka oyo Nzambe andimaki.

Ebongo, bakokima banzambe mosusu. Bakoya epai ya Nzambe kaka na nzela ya mwana na Ye Yesu.

♥ Verse ya koyekola:

Nzambe azali kolimbisa bato kaka soki bapesi mabonza ya makila. Baebreo 9:22b

🔊 Banzembo ezali kokende nzela moko na lesa:

Nini ekoki kopetola? Kaka makila ya Mokonzi Yesu. (Banzembo ya Boyokani)

Yaka na Mokonzi Nzambe

🔍 Revisio:

- Tango nini liwa ekotaki na mokili? (Tango Adamu ti Eva basalaki masumu.)
- Nani azali mama ya biso nionso? (Mama Eva, mwasi ya liboso.)

➡ Kobanda Leso:

Soki okozala na makoki ya komona mbala moko bapasi nionso oyo ezali na mboka oyo, okanisi makambo nini okomona? (Nzala, maladi, liwa, mawa, kozanga mosala, bitumba, kokabwana ya mabota, kozanga botosi, kofinga, makambo ya mabe pe pasi ya ndenge na ndenge.)

Soki ozali na makoki ya komona mbala moko

bapasi nionso oyo ezali na mokili mobimba, okomona nini? (Bowumbu, bitumba, lokuta, moyibi, makambo ebele, ebele. Pasi mingi.)

Na lesa oyo, tokoyekola probleme oyo eleki makasi oyo bato bazali komona banda ebandeli kino tango oyo. Eleki makasi. Ata maladi to nzala to liwa ezalaka makasi te lokola probleme oyo.

Ee, pe tokomona nini Nzambe asalaki po na kosalisa biso na probleme wana ya makasi koleka.

🏠 Mateya monene ya Leso na Biteni 3:

15.1 Nzambe asalelaki Adamu ti Eva bilamba ya poso ya niama.

📖 **Tangela bana:** *Ebandeli 3:21*

21 Sik'oyo, Mokonzi Nzambe azwaki poso ya baniama, Asalaki yango bilamba po na Adamu na mwasi na ye, ebongo Alatisaki bango bilamba wana.

? Kotuna bana lolenge oyo:

Niveau Primaire:

- Nzambe asalaki nini po na Adamu na mwasi na ye? (Asalelaki bango bilamba ya poso ya niama, ebongo alatisaki bango yango.)
- Bilamba oyo Nzambe asalelaki bango, ezalaki ya nini? (Poso ya baniama.)
- Ndenge nini Nzambe azwaki poso wana? (Esengeli kozala ete Abomaki niama wana.)
- Na kotanga kino sik'oyo, tomoni ete baniama bakufaki? (Te. Oyo ezalaki mbala ya liboso. Liwa ekotaki kaka po na masumu ya bato.)
- Bokundeli ndenge nini Adamu na Eva bamekaki kozipa bolumbu na sima bango kosala masumu [Ebandeli 3:7]? (Bamizipaki na matiti ya nzete ya bafigue.)
- Tango Nzambe alatisaki bango, niama akufaki. Mabe nini niama wana asalaki po akoka kokufa? (Ata mabe moko te. Ekufaki po na masumu ya bato, na esika na bango.)
- Probleme nini Nzambe azalaki kokanisa,

tango Abomaki niama wana? (Probleme ya soni ya bato po na bolumbu na bango.)

- Kala mingi te na sima, tokomona ete bato bayebaki liboso Nzambe alingaki bamema makabo ya makila. Okanisi eete Nzambe apesaki niama wana lokola libonza ya makila tango Abomaki niama po na kosalela bango bilamba? (Bato mingi oyo bayekoli Biblia bamoni yango ndenge wana. Ekoki kozala ndenge wana, po bayebaki ete bakoki kopesa mabonza ya makila.)

Niveau Secondaire:

- Soki oyo ezalaki libonza ya makila, probleme nini mosusu Nzambe azalaki kobongisa? (Probleme ya Boyokani na Ye ekatanaki. Makabo ya makila ezingisaki Boyokani na Ye.)
- Masumu na bango ebendaki etumbu ya liwa. Nzambe alingaki bayeba ete, awa tango Atiaki ekoki, Ye moko akotinda makabo ya kitoko, ya kokoka.
- Ndenge nini makabo ya makila ya niama elakisaki lokola foto ya mbeka ya kitoko ya kokoka oyo Nzambe akopesa tango Atindaki Mwana na Ye? (Niama wana asalaki mabe moko te, lokola Yesu asalaki mabe te, niama akufaki na esika na biso, lokola Yesu akufaki na esika na biso. Makila ya niama esopanaki, ndenge moko makila ya Yesu esopanaki. Niama ekufaki, pe ndenge moko Yesu akufaki.)

Bana basala bageste ezali kolakisa nini esalami:

Bana nionso basala bageste ndenge nini ezalaki tango Nzambe ayebisaki Adamu na Eva boye niama oyo asali eloko te asengeli akufa na esika na bango po na kobomba masumu na bango.

Bana bayemba pe babina:

Matiti ya figue ezali kokoka te, Adamu. Niama esengeli ekufa po na yo, Makila na ye esopana. Lata elamba ya poso, Elamba oyo Nzambe asaleli yo.

15.2 Nzambe akangaki Adamu na Eva nzela ya kolia mbuma ya nzete oyo ezali kopesaka bomoi.

Tangela bana: Ebandeli 3:22

21 Ebongo Mokonzi Nzambe alobaki boye: “Sik’oyo, moto akomi lokola Biso, po ayebi makambo ya malamumu na makambo ya mabe. Malamumu Tokanga ye nzela ya kozwa pe kolia bambuma ya nzete wana ezali kopesa bomoi, mbele akoya kowumela mbula na mbula.

? Kotuna bana lolenge oyo--

Niveau Primaire:

- Tala malamumu! Nzambe azali koloba na nani? (Tata Nzambe azali koloba na Mwana-Nzambe pe na Nzambe Molimo Santo. Alobi boye, “moto akomi lokola BISO”.)
- Nini moto akoyeba, na sima akolia bambuma ya nzete ya koyeba makambo ya malamumu na makambo ya mabe? (Akoyeba makambo ya mabe na ya malamumu.)
- Na sima bango kolia, Nzambe alingaki kokangela bango nzela ya kolia bambuma ya nzete nini? (Nzete oyo ezalaki kopesa bomoi ya mbula na mbula.)

Niveau Secondaire:

- Ndenge nini tokoki koloba ete verse oyo ezali kolakisa Bosato ya Nzambe? (Pronom “bisu” ezali pluriel.)
- Po na nini na ebandeli ezalaki probleme te po bato bawumela mbula na mbula, kasi na sima ya masumu, ekomi probleme? (Soki awumeli mbula na mbula na masumu na ye, masumu ekokoma mingi-mingi. Lisusu, masumu na ye ememi liwa. Ebongo, ekoki kozala te ete akowumela mbula na mbula.

Bana basala bageste ezali kolakisa nini esalami:

Bana misato basala lokola Nzambe na theatre. Moko asimba carte, “Tata Nzambe,” moko asimba “MwanaNzambe,” pe

moko asimba “Nzambe Molimo Santo.” Tata Nzambe atangi verse oyo na bamembre mosusu ya Bosato ya Nzambe, pe bango nionso ningisa motu kolakisa ete bazali kondima.

Bana bayemba pe babina:

Bato bakoki te kowumela mbula na mbula
Soki bakosala yango, Mabe ekoleka mingi.
Eee, mabe ekolaka mingi.

15.3 Nzambe abenganaki bango na elanga ya Edeni, pe Atiaki banzulu kopekisa bango nzela ya kozonga.

Tangela bana: Ebandeli 3:23--24

23 *Yango wana Mokonzi Nzambe abenganaki ye na elanga Edeni, Ayebisaki ye akende kobalola mabele wana oyo Nzambe akelaki ye.*

24 *Lolenge yango oyo Nzambe abenganaki bato, ebongo na ngambo ya este ya elanga ya Edeni, Atiaki banzulu oyo basherube, basimbi mbeli wana ezali kopela moto. Mbeli yango ezalaki kobaluka na bangambo nionso. Basherube mosala na bango ekangaki nzela na moto nionso wana alingi aya pembeni ya nzete wana ezali kopesa bomoi.*

? Kotuna bana lolenge oyo--

Niveau Primaire:

- Nzambe asalaki po moto alia te mbuma ya nzete oyo ezalaki kopesa bomoi? (Nzambe abenganaki ye na elanga.)
- Mosala ya moto ezalaki nini sima ya kolongwa na elanga ya Edeni? (Kobalola mabele.)
- Maloba nini ezali kolakisa ete Nzambe atindaki moto abima na elanga? (Nzambe **abenganaki ye**.)
- Bato bazalaki na makoki ya kozonga lisusu na elanga ya Edeni? (Te.)
- Nini ekangaki bango nzela? (Nzambe atiaki anzulu sherube na likuangola to macheti wana ezali kopela moto po na kokangela bango nzela.)

Niveau Secondaire:

- Apart ndenge ya kokota na elanga ya Edeni, nini lisusu bato babosanaki tango basalaki?

(Boyokani na bango na Nzambe akatanaki. Elanga wana ezalaki esika ya liboso oyo Nzambe azalaki kotambola na bato na pokwa nionso. Na sima ya masumu, Nzambe atambolaki lisusu te na boyokani na bato.)

- Bakulutu na biso nionso bayebaki ete Nzambe azali kasi bakanisaki lokola Azalaki mosika na bango. Ndenge nini histoire oyo ya Biblia ezali kolakisa biso ebandeli ya makanisi wana?

(Elakisi ndenge boyokani na Nzambe akatanaki. Soki bakulutu ya kala bakanisaki kozonga bango moko epai ya Nzambe, bamonaki sherube wana na likuangola oyo ebandaki kopela moto. Bazalaki kokundola yango tango nionso ete bakomaki mosika na Nzambe po na masumu na bango. Ndenge ya kozonga bango moko epai ya Nzambe ezalaki soki moke te.)

- Ezalaki pasi te na Adamu kokanisa ete akoki kozonga epai ya Nzambe te ata moke po na masumu na ye. Kasi Nzambe asalaki nzela po bato bazonga epai na Ye. Nzela nini wana? (Mabonza ya makila.)

Bana basala bageste ezali kolakisa nini esalami:

Bana nionso basala lokola bazali sherube azali kopesa nzela ya kokota na elanga. Basala lokola bazali kosimba likuangola oyo ezali kopela moto. Babimisa mongongo ndenge likuangola wana ekosala

- Zzzz. SSSSS. Ziiiiing. Whoooosh, etc.

? Bana bayemba pe babina:

Bakoki te kozonga na elanga ya Nzambe, Sherube akangi nzela, bato bakokota lisusu te.

Boyokani na Nzambe ekatani
Ai-yai! Mawa!

 Devoir po na bana oyo basibayebi Yesu:

Ata boyokani na Nzambe akatani makasi,

Nzambe asalelaki biso nzela ya kozonga epai na Ye. Apesaki biso te bikeko lokola nzela ya kokende epai na Ye. Atiaki moto mosusu te po na kosangisa biso. Asalaki nini?

Ayebisaki bakulutu na biso boye bopesa mabonza ya makila. Na sima, Atindaki Mwana na Ye Yesu Klisto lokola libonza ya kitoko, ya kokoka. Privilege nini ya monene eyaki epai ya Nzambe na kombo ya Yesu Klisto!

Kobanda tango oyo, koya lisusu te epai ya Nzambe na nzela ya bikeko. Koya lisusu te na nzela ya basantu to na nzela ya banzelu to na nzela mosusu.

Nzambe azali na esengo ete toya kaka na komboya

Yesu Klisto. Tango okosambela na poso oyo, okoki koya epai na Nzambe na losambo na nzela ya Mwana na Ye Yesu Klisto?

 Kobenga bana oyo bayamba Yesu nanu te:

Oye epai ya Nzambe na nzela ya Mwana na Ye Yesu po obika? Oyambi Ye po abikisa yo pe po osukola motema na yo na masumu nionso?

Soki oyebi malamumu te, kasi lelo olingi koyeba, kende esika wana na sima ya classe. (Moniteur lakisa bana wapi esika bakoki kokutana na yo po bosambela.) Nakoya pe nakozala na esengo ya kosalisa yo.


===SUKA YA LESO 15,
PE SUKA YA BALESO NIONSO

Leso 15

*Nzambe azali kolimbisa
bato*

*kaka soki bapesi
makabo ya makila.*

Baebreo 9:22b



Banzembo Tozali Kosalela na Mokanda Oyo:

Banzambe Mosusu

Banzaaa-mbe mosusu

Bato basali yango

Ozali kaka Nzambe

Asalaki biso! (O Yesu) [*Repeter nionso*]

Tokutani

Biso nionso toye

Tokutani

Kosambela

O-o sambela Mokonzi na biso!

} 3x

Ee, Mokonzi, Ee

Ee, Mokonzi, ee

Na nionso oyo Okoloba

Ee, Mokonzi, ee

Nalingi natindama

Eyano:

Awa natangi Bibila

Nakondima kaka

Pe na koloba ee,

Mokonzi, ee !

Soki Bozali Kolinga Ngai

Soki bozali kolinga Ngai (3x)

Bokotindama.

Bokolanda mibeko na Ngai (3x)

Bokotindama.

Kende Nordi, Kende Sudi

Kende nord

Kende sud

Kende na gauche et droite

Tokende

Tokende

Na sango ya malamau

Yaka na Yesu Klisto

Yaka na Yesu Klisto (3X)

Okobika!

Makila na Ye ekoki (3X)

Kolongola mabe !

Azali kobeta "Ko. Ko...." (3X)

Fongola motema na yo!

Alingi akota (3X)

Benga kombo na Ye!

Senga na Nzambe Kaka

Tosengeli kosenga

Na Nzambe, Ye kaka

Ata moto moko te

Mosusu akoki kosalisa !

Eyano :

Senga na Nzambe !

Na Nzambe kaka

Senga na Nzambe

Na kombo ya Yesu !

Masumu Ezali Kobebisa

Masumu ezali kobe bise

Ememaka kaka liwa

Ekotonga bomoi te, te, te

Nalingi yango te.

Masumu ezali monguna

Ekomema kaka mawa

Ekotonga bomoi te, te, te

Nalingi yango te!

Olingi Kozala Shampio?

Olingi kozala shampio?

Luka nini okoki kosala !

Tala mosala nini ezali kozala

Ebongo sala yango kaka!

Kozala te moto ayebisa yo

Soko ozali komona yango

Sala yango kaka sik'oyo

Okozala shampio !

Nini Ekoki Kopetola?

Nini ekoki kopetola?

Kaka makila ya Mokonzi Yesu

Motema na nga ya mabe

Kaka makila ya Mokonzi Yesu

E, makila ya talo

Ekoki kopetola

Motema pembe koleka
Kaka makila ya Mokonzi Yesu

Nzambe Asalaki Biso, Mobali na mwasi

Nzambe asalaki biso nionso
Mibali na basi
Ezali malamumu mingi,
Ezali malamumu.

Nzambe Asalaki Tata Adamu (tala lokasa 4)

Pambola Bato mosusu

Pambola bato mosusu
Kolingela bango bolamu !
Pambola bato mosusu
Kolingela bango bolamu !
Pambola bato mosusu
Kolingela bango bolamu !
Yesu alakisi biso (O Nzambe !)

Mokonzi, o mokonzi,
O salisa nga. (Solo)
Mokonzi, o mokonzi,
O salisa nga. (Solo)
Mokonzi, o mokonzi,
O salisa nga.
O, sa—li—sa-a nga !

Sala makasi, Koboya Bolembu

Sala makaaaa-si! Kosala makasi ezali
malamumu!
Sala makaaaa-si! Koboya bolembu!

Tosa Kombo ya Yesu

Tosa kombo ya Yesu! Tosa kombo ya Yesu!
Libanga na ngai, Makasi na ngai,
Mobikisi na ngai
Pe kondima !
Tosa kombo ya Ye-e-e-su !

Molongo ya
Ntango
Ebandeli 1-2

Mikanda ya Ebandeli 1 pe 2


Mokapo 1-2
Na ebandeli
esalaki pole

Mokapo 2
Adam ti
Eve
Libale

Mokapo 3
Mokapo 4
Cain
abomaki
Abel

Mokapo
6-9
Mai Monene-
Noa

Mokapo
11
Nako Molai
Rebellion na
Babel



Pene
ya

4,000

2,400

2,200

Bamvula na ntwaala ya Yesu